







№ 4150

~~24~~



№ 4150







- 1, Oratio Cromeri pro autoritate ecclesiae.
- 2, Casimiri Virgij auf Pöfsefen.
- 3, Confederationis Articuli.
- 4, De Polonica electione.
- 5, Abzgandels Vergrüßung.
- 6, Rudolphi II oratio.
- 7, Oratio nomine Johannis III.
- 8, Vergrüßung Sigismunds.
- 9, Consilium de recuperanda pace Poloniae.
- 10, Moriantis Poloniae servandae ratio.
- 11, Datum P. Biskupski Wierzbicki.
- 12, Lud Casimiri Lisoginski etc.
- 13, Electio Saxoniae Electoris.
- 14, Von Polnischen Wapen Staat, Mayen.
- 15, Manifest der Königin de Conty.
- 16, Datum in curia Varsoviensi.
- 17, Flotta über der dem Königin Abzgandels aufgez. Manifest.
- 18, Pierre Mesleuiz à l'Archevêque de Tréves.
- 19, Dr. Ezzeiffen Maj. Demonstration.
- 20, Consilium de recuperanda pace Poloniae.
- 21, Oratio de rebus Poloniae.
- 22, Von dem Polnischen Interrogat.
- 23, Election de Stanislas Leszinski.
- 24, Instrumentum Denunciationis.
- 25, Ein Brief von dem polen verlobte Volkswort beschaffender Brief.
- 26, Theodor Potocki Manifest.
- 27, Brief und Antwort.
- 28, Ein Brief von dem Edlen Polnischen Kragus.
- 29, Ein polnische Brief.
- 30, Ein jährige Confederation.
- 31, Gravamina.



20. 20  
CONSILIUM  
DE  
RECUPERANDA

Et in Posterum  
STABILIENDA  
P A C E  
REGNI POLONIÆ.

In quo  
Demonstratur Pacem nec  
constitui nec stabiliri posse,

Quamdiu  
JESUITÆ IN POLONIA  
maneant.

Ad Illustres Regni Poloniæ Proceres.


---

*Conversum ex Polonico in Latinum.*

---

Anno MDCCXXV.





*Benevolo Lectori Editor Salutem.*

**C**um *Societas* illa, quæ à *Jesu* cognominari voluit, hocque tempore maximam celebritatis famam adepta est, post initium Seculi XVI. nata, atque Ao. 1540. à Paulo III. P. M. confirmata esset, idem Ei quod & rebus humanis aliis assollet, evenit ut laudaretur ab his, culparetur ab illis.

Et quidem Societatem illam summis Encomiis tunc mactatam fuisse, hodieque mactari, ita res est manifesta, ut probatione minimè indigeat. Fundator ejus *Ignatius Lojola*, Hispanus, tanquam Vir planè divinus repræsentatur, in cujus Vitâ, à Pet. Ribadeneira & aliis conscriptâ, Illumina-

)

tiones



tiones divinæ Ignatio factæ, Revelationes SS. Trinitatis, Apparitiones B. Virginis, Visiones Christi & Sanctorum glorificatorum, Colloquia cum Salvatore, Ecstases cælestes, Certamina cum malis spiritibus corporali specie cum ipso congressis, specimina Prophetiæ, illustra eaque frequentissima miracula, tam in vita quam in morte patrata, & si quid augustum de mortali homine cogitari dicere potest, utramque paginam faciunt. Ideoque *Oforius*\*, & ipse Jesuita, *Quintum illum Angelum*, quem S. Johannes in Apocalypsi † viderit, *Ignatium Lojolam* fuisse deprædicat; de *Societate* verò graviter pronunciat, *Jesuitas ad aliorum Ordinum, Religionum, & Sodalitiorum defectus explendos, nævos eluendos, distorta quæque corrigenda, & silentium tumidis magiste-*

\* Ofor. Tom. IV. Conc. de SSctis Conc. in obit. Ignatii.

† Cap. IX.

*riis imponendum institutos esse; & in eodem libro ait: Deus diligit istum ultimum Ordinem, designatum in Jesu, quemadmodum Jacob Patriarcha Benjaminem filium suum, eò quod in senectute genuerat eum. Institutum Virorum plaxe PERFECTORUM.* Ipsi nempe, talium Judicio, Viri sunt, qui insigni Sanctitate præditi, Claves simul Scientiæ omnisque Eruditionis teneant, Magistri orbis, sedis Apostolicæ Fulcra, Ecclesiæ Catholicæ Promachi & Defensores, Mallei Hæresium: quorum Laudes Cathedræ, Pulpita, Urbes, Provinciæ, Regna, uterque Orbis passim resonent.

Sunt verò ex altera parte, qui de Societatis istius Instituto omnia alia judicent. Non de *Protestantibus* loquor, qui & *Evangelici* audiunt; horum enim, ceu Partium studii suspectorum, eoque testium inhabilium



bilium rationem hic nullam habendam esse censeo; Viros Romano-Catholicos in-  
nuo, tales, qui locum in hac Ecclesia emi-  
nentem tenere, qui Eruditionis & meri-  
torum laude in ea florere, qui in ejus  
Communione vivere & mortui sunt & qui  
nihilominus sinistrum de Jesuitis Judicium  
ferre minimè veriti sunt.

Tales fuere inter alios plurimos hic bre-  
vitatis studio prætermittendos.

ACADEMIA PARISIENSIS quæ in libello supplice, an. 1544.  
oblato ita de Jesuitis: *Secta magnas confusiones in disciplina scho-  
lastica excitans, turbis causam dans . . . Diris Seditionibus non so-  
lam Urbem Parisinam, sed totum Regnum Gallie miscens. Secta  
ad labefactandam omnem disciplinam tam Civilem quam Ecclesiasti-  
cam introducta. Secta negans obedientiam Academiae, Rectori Aca-  
demie, Archiepiscopis, Episcopis, Curionibus. Secta pestifera; obli-  
ti Sacerdotalis Professionis se immiscentes publicis negotiis, Explorato-  
res Hispanorum.*

SORBONA PARISIENSIS, an. 1554. d. 1. Dec. sequentem de iis  
tunc adhuc Novellis, Censuram dedit, de adultis mox da-  
tura graviolem. *Hæc nova Societas insolitam nominis Jesu ap-  
pellationem peculiariter sibi vindicans, tam licenter & sine delectu  
quaslibet Personas, quantumlibet facinorosas, illegitimas, & infam-  
es admittens . . . in magnum populi gravamen, Religionis Mona-  
stica*

*stica honestatem violare videtur, studiosum, pium, & necessarium  
Virtutum, & abstinentiarum, ceremoniarum & austeritatis enervat  
exercitium . . . debitam Ordinariis obedientiam & subjectionem  
subtrahit, Dominos tam Temporales quam Ecclesiasticos suis Juri-  
bus injustè privat, perturbationem in utraque Politia, multas in  
populo Querelas, multas lites, discordias, Contentiones, Amu-  
lationes, Rebelliones, variaque schismata inducit. Itaque his o-  
mnibus atque aliis diligenter examinatis & perpensis, hæc Societas vi-  
detur in negotio fidei periculosa, Pacis Ecclesiasticæ perturbativa, mo-  
nastica Religionis, everfiva, & magis in destructionem quam in  
Edificationem.*

EUSTACHIUS BELLAIUS, Episc. Paris. eodem anno, XI. ra-  
tionibus sustinuit probare, *Jesuitas non esse in Gallie regno  
recipiendos; prolixiores eæ sunt, quam quæ hic adducantur\* alibi,  
cui placet, legendæ.*

ADRIANUS TURNEBUS, Regius Humaniorum Literarum &  
Philosophiæ Professor, Parisiis, Vir longe celeberrimus, in  
Epistola ad Lotharingum Cardinalem, circa an. 1560.

*Quæ nova surrepit Secta, & mentitur Jesum,  
Dulce Latrocinii prætendens nomen opertis,  
Tartareis emissa vadis, spoliaria plebis  
Instituit, speratque suos ditare latrones?  
Jamque Gregem pascit simulatio dira rapacem,  
Semper inuncantem Viduarum e viscere prædam,  
Fallentem pueros & inertia pectora Vulgi &c.*

Idem AD SOLERICUM, *Jesuitarum hunc repræsentat Characte-  
rem. Qui non contenti stipe minuta, sed Testamentis inhiant,  
lucrisque beatis. Insidiatores, Captatoresque, Eleemosynarum  
pauperum Aversores, Amplarum Sectatores prædarum. Qui ma-  
gna petunt, dum parva fugiunt. Exiguum pretium contemnere sventi,*

( 3

\* Vid. Mercur. Jesuit. Edit. II. Tom. I. p. 315. seqq.



ut jugulent fortunis omnes Orbos . . . Grassantes Prædones in fortunâ opimas. Phariæ ex amina sæva locustæ. Propositum quibus hoc, hæc mens, cumulare bonum, Villas & prædia querere multa, atque potestatem Vitæque necisque parare in stupidum Vulgus. &c.

PONTUS TIARDÆUS Episcopus in Gallia Cabillonensis regnante Henr. III. Vir summa Auctoritate & Eruditione conspicuus, in Apologia contra Jesuitas, Acres Molossi Venatoris Romani. Quorum animus vultu, & flagitia parietibus teguntur . . . Viscus merus sunt. Viscata sunt eorum Verba, viscatus omnis habitus & vultus, gestus, motusque corporis viscatus, viscata maximè, fictitia superbaque humilitas, viscatum & ambitiosum est honorum fastidium, avaraque divitiarum aspernatio & averratio viscata est. Toti sunt visci. Qui sub sanctæ Religionis velo decipulas, impietates, & omnis generis scelera contegunt. Qui nefarias, infandas, ab Angelis desertoribus proditas, & à Deo interdictas vetitasque sacris Liturgiis immiscunt artes. Hypocritæ, Religionis simulatores, & parietes dealbati. E Schola & pulvere Rhetorculi declamatores. Venditantes se sacros Concionatores. Qui Concionibus seditiosis accommodatiores sunt quam tranquillis moderatisque sermonibus &c.

JOHANNES PASSERATIUS, Professor Eloquentiæ Regius Parisiis, (notæ Eruditionis & Elegantiæ, Thuano Lib. CX. cum in Ciceronis locum de Ridiculis præfaretur, ita Jesuitarum ferociam repræsentat. Quid enim isti Sceleris & amenitiæ prætermiserunt? In Regem suum Henricum III. & optimè de se meritum perfidiosè conjurarunt: concitata per vim multitudine, Regia sua Solioque avito, quantum in ipsis fuit, immanissimè derubarunt: coacto Latronum exercitu, audacissimè oppugnarunt. ac tandem per cucullatum Sicarium, emissarium suæ factionis, nefariè trucidarunt; carcerem in Senatum, Senatum in carcerem effuderunt: privata publicis, imis summa miscuerunt: cunctaque

divina & humana Jura violarunt . . . Lustranda igitur & expianda nunc Academia, Musisque iterum dedicanda, diligenti cautione adhibita ne amplius earum Tempia & Ceremoniæ contaminentur. Id ut rectè fiat atque ordine, abigendæ sunt imprimis obscene volucres, quæ rapinis contactuque omnia sædant immundo:

Decolor est illis vultus, teterrima Ventris  
Proluvies, unæque manus, & pallida semper  
Ora fame.

Non agnoscitis volucres: agnoscite sine plamis bipedes  
Curva quibus pullam subnectit fibula Vestem.

Has Harpjas nisi Senatus & amplissimi Academiæ Curatores, fugarint & exterminarint . . . Frustra in excolendo Musarum fundo sudabimus . . . Meminisse debemus quoniam pacto profugi homines, nec minus vagi quam Scythæ, nova gratuita Doctrinæ professione vulgo commendati huc irrepserint . . . quibus artibus, inhiantes locupletum fortunis, divites Orbos vel Catibes, deliros Senes, superstitiosos mulierculas, & adolescentulos imperitos deceperint . . . Testes honestissimæ amplissimæque Familiæ, quarum Sanguinem pro levi docendi opella & exiguo minervæ, istæ Hirudines exorbuerunt. Testis immanis eorum Censuræ, qui cum Regum ac summorum Pontificum opibus certat. Præclara liberalitas, repudiare Drachmam, ut talentum extorqueas . . . Gratuita doctrina illis est pro hama, vel potius pro reti-jaculo, quo callidi piscatores cuncta converrunt cum pulvisculo. Stolidi Parentes qui suos iis credunt liberos, eadem opera Columbas Accipitribus, Pullos Milviis, & oves committunt lupis. Atque utinam . . . recta hic non depravarent ingenia, dum curva corrigere videntur, nec suos edocerent artem mentiendi, & dolos, quos appellant industrios. Quid autem aliud docerent Vulpeculæ, si Scholam aperirent? Sic amant verum hi Chamæleontes, Polypi, ac Stelliones. Hujusmodi doctrinam, & hos mores, nos illis non invidemus: sibi habeant, abeantque simul cum strigibus, & illuc revertantur unde malum pedem huc attulerunt . . . Academia nostra certè, quæ longum periculo



*culosumque morbum eorum contagione contraxit, nisi hoc levetur Vomitu, vix unquam convalescet.*

ACADEMIA PARISIENSIS AN. 1594. litem contra Jesuitas per 30. fere annos intermissam magna contentione renovavit iique in jus vocati, ut Academia & Regno omnino expellatur urfit; *Diuenim esse, ex quo Ordines in senatu questi sunt de nova secta eorum, qui . . . ambitioso Societatis Jesu nomine sibi adscito . . . magnis turbis causam dederint . . . cumque nondum pestiferæ sectæ per alias Regni Urbes Virus sparsissent, ejus prima semina Parisiis jecissent &c.* Dicto die pro Academia M. Antonius Arnaldus, Consiliarius Regius, & Advocatus Generalis dixit, prolixa & gravissima Oratione, quæ cum sequenti, quod hic damus CONSILIO, plurima habet communia, Jesuitas perstrinxit ut qui:

*Reges cum Proceribus Regni committere assueverunt . . . Proditiones specie Religionis introducentes. Emissarii, fucati Sacerdotes. Arfacidarum & Assassinorum Successores. Acres Philippici nominis Satellites, ad excogitandum acutissimi, ad audendum impudentissimi, ad efficiendum acerrimi, tam in scelere vigilantes, quam in perditis rebus diligentes. Voto suo peculiari hæc Verba horrenda adjuncta habentes, quibus in Generali suo Christum velut præsentem se agnoscere, profitentur . . . ipsis proinde, si Generalis mandat, ut Rex Franciæ occidatur, ex voti necessitate Hispano jubenti parendum esse . . . Sacrum Ecclesiæ Gallicanæ ordinem hujus Sectæ veneno corruptum esse . . . Lutetie in eorum ædibus primas Conjuraciones initas Catilinæ Conspiratione perniciosiores . . . in eorum Schola Lugduni, & postea. Lutetie anno superiore consilia de Regis parricidio inita esse. Sed abrumpendum est, tota enim oratio Arnaldi decem plagulis constans transcribenda esset, sed cujus summam Thuanus Hist. Libr. CX. exhibet.*

CURI-

CURIONES, seu PLEBANI PARISIENSES, huic liti intervenientes triduo post, pari vehementia, per LUD. DOLÆUM agebant: *Jesuitas in Ecclesiastico Ordine minimè censendos, sive ut Sacerdotes Seculares, sive ut Regulares reputentur . . . Austeritatem, & cernuos in terram vultus non modestiæ & contemptus rerum in his Patribus indicia esse; superbiam & fastum hac specie celari, & dum terram cernant, ad opes terrestres & externos honores oculos intendere . . . in Patrum Scriptis emendandis plurima Plagia admisisse . . . ex Sacerdotibus . . . Pastores universales, Circumcelliones, Hamaxarios Episcopos repente effectos . . . eorum sceleri ac furori non mentem aut timorem, sed tantum fortunam Reipublicæ obstitisse . . . Regicidia, non unius inter ipsos Crimen esse, sed Sodaliitii . . . Audium hæreticum in Jesuitis revixisse . . . apud veteres Christianos inaudita hæc monstra fuisse . . . &c.*

Pluralitate suffragiorum tamen Senatus consultum factum est, ut Lis ista tunc non decideretur, sed comperendinaretur; quo facto,

AUGUSTINUS THUANUS, Curiae Præses, vir antiqui moris ac horridæ Libertatis, subjecit: *sibi videri, comperendinari Causa, vitam Regis comperendinari; atqui non comperendinari eam, sed insigni exemplo, quod ab hoc Judicio expectabatur, in tuto collocari potius oportuisse. Se quidem senio effectum providere, ut potius vitæ, quam Litis hujus finem sit adspecturus, ne tamen indicta sententia moriatur, censere, ut Jesuitæ toto Regno expellantur.*

Illustris hic vir non fuit falsus Vates, eodem enim Anno 1594. d. 27. Dec. JOHANNES CASTELLUS, Jesuitarum in Collegio Claræmontano discipulus Regicidarum doctrina ceu licita, imo meritoria imbutus, Vitam Regis attentavit Cultro in Gulam directo, sed quæ in maxillam inferiorem incubuit, ore tantum vulnerato, & dente eliso; quæ res

)(

REGI



REGI HENR. IV. Judicibus qui Causam comperendinaverant, succensenti hæc Verba expressit:

Ergo oportuit Jesuitas ex ORE MEO convinci.

EXIN CASTELLUS promerito supplicio affectus, sed & Rector Collegii, JOH. GUIGNARDUS, judicio convictus, Carnificis manu strangulatus, totaque Societas Jesuitarum Regno Galliae intra dies XV. ejecta fuit; Castelli verò Domus solo æquata, inque ea area Columna eximio opere infamiae testis erecta. In Basi verò quadrata Senatus consultum descriptum, quo Jesuitæ pronunciabantur:

*Mali Magistri, Genus hominum novæ ac maleficæ superstitionis, Hispanicæ columnæ, Gallicæ Juventutis Corruptores, pacis tranquillitatisque publicæ turbatores, regis proditores, & Patriæ Desolatores &c.*

JOH. AUG. THUANUS, qui superius adducta fusius descripsit, passim in Historia & Carminibus Jesuitas notat:

*Ab immiti furie averno: Gens gnara nocendi. Gens nata Magistratum convellere: ipsosque necandos horrenda Reges Proditione docet. Servandamque Fidem negat, argutisque cavillis detorquet magni iussa verenda Dei. Qui crimine in omni obtinent Causam Religionis agi. Societas quæ in tantum brevi crevit, ut ipsis Principibus formidolosa esse cæperit &c. &c.*

Sed Testimonia Seculi XVI. in majorem quam propositum erat molem excrescere video, ideoque in sequentibus brevitati magis studendum erit.

HENRICUS IV. R. G. cum Jesuitæ an. 1601. restitui, peterent, Orationem, quam patheticam ad ipsos habuerat, his verbis finivit: *Sententiam semel datam non muto. Si verè Galli estis, magis totius Regni tranquillitati quam Vestræ utilitati consulatis. Dixi quæ volui, abite, & valete.*

Cum an. 1604. Jesuitæ in Gallia restituendi essent HARLÆUS, Præses Parliamento, unà cum Senatu gravi oratione intercessit,

cessit, quæ apud Thuan. Lib. CXXXII. legi meretur. Ex ea hic paucula: *Presbyteros & Scholasticos Claremontanæ Scholæ, quæ nomen Jesuitarum sibi sumebant, cum primum in regnum irrepperunt, à toto Sacro Ordine oppugnatos, eaque de re insigne extare Sorbonici Collegii decretum, quo scitum est, hanc Societatem in destructionem non in ædificationem esse institutam. Romæ & in Hispania ubi nova opinionum harum Monstra (Legalitas Regicidiorum) vigent, aliter sentiunt, aliter in Francia loquuntur. in Tumultibus Gallie ne unum quidem in tota Societate repertum, qui Regis Partes sit secutus &c. &c.*

MORTIVILLERIUS Rector Academiæ Parisinæ an. 1611. acri Oratione habita, Jesuitas vocat, importunos hæredipetas, qui ut Corvi Prædæ inbiantes, non nisi in os ossa injecta, recedere solent. *Sagacissimos Patres Claromontanos, Sectam totum Orbem dogmatum suorum facibus incendientem, Gigantes qui montes Montibus imponant, Cælum scansuri.*

FACULTAS THEOL. PARIS. an. 1625. in Censura, in librum Sanctarelli Jesuitæ: *Dementati homines. Acerrimo Hugonotorum Odio flagrant patres. Perversa Jesuitarum Sodalitas. Pharisæi. Vestiti pulcherrimo nomine Jesu. Secunda bestia Apocalyp-tica &c.*

FRANC. ROALES, Presbyter. Theologus Hispanus, Magister Salmanticensis, an. 1632. Actionem Hæreseos, in Societatem Jesu, Romæ, coram Inquisitionis Officio instituit: *Quæ doceat plura enormia, horrendaque dictu, in quibus Illuminatos, Tertullianistas, Libertinos, Protestantes, & alios omnes Hæresiarchas, imitari aut superare videtur. quorum Scripta in destructionem potius quam in ædificationem fidelium & fidei Catholice tendere viamque ad omnem hæresin, imò ad Atheismum in Hispaniam aperire &c. denique ait: ad hæc & singula supradictorum probanda & demonstranda teneri & COGI VOLO, SUB POENA TALIONIS.* )(X 2

Cum



Cum an. 1629. Imperator Edictum de Bonis Spiritualibus restituendis promulgasset, Jesuitæ verò fortiter instarent, ut Pars Monasteriorum, quæ ad alios Ordines pertinebant, suæ Societati traderentur, inter alios quidam eruditus Sacerdos de D. Benedicti familia, an. 1643. librum edidit, titulo, *Astrum inextinctum*, in quo plurima adeo duriter in Jesuitas dicuntur, ut Alphonsus de Vargas judicet, *qui eum librum legere voluerint, ipsa Veritatis evidentia subactum iri, ut post homines natos agnoscant & fateantur nusquam terrarum inventos fuisse tam omnino nullius conscientie, fidei, honestatis ac Pudoris Doctores, an Seduciores; quorum si quis ingenium ac morem ex ipsis eorum Scriptis perspexerit, fieri nullo modo potest, ut eos posthac vel conscientie arbitros ac moderatores, vel Liberorum suorum Magistros habere, & vel visos vel auditos, velit, nisi aut fasciatus planeque oculis ac mente captus sit, aut quæ tantorum Scelerum Magistri docent, ea discere gaudeat &c.*

Is ipse jam nominatus Alphonsus de Vargas, Toletanus, jun. an. 1644. Relationem ad Reges & Principes Christianos, de Stratagematis Societatis Jesu, evulgavit, in qua artes ipsorum graphicè depingit, & non procul a fine hæc habet: *An dubitabimus quin Jesuitæ Sacrilegiorum Auctores & Consultores, fundi Germanici Calamitas, & Capitalis Reipublicæ Pests ac Pernicies cenferi debeant?*

Neque opus est plura in hanc rem allegare, quandoquidem propria Confessio P. Provincialis Societatis Jesu in Moravia, in Epistola ad Abbatem quendam S. Cæs. Maj. Consil. totam Causam perorasse videtur. Ita ille:

*Venit hora, in qua arbitratur QUISQUE, obsequium se præstare Deo, cum de Jesuitis MALA OMNIA suspicatur, & sentit, & loquitur. Nec Religiosus pene uilus, nec Politicus, nec Hæreticus Jesuitas aut religiosè vivere aut veritatem loqui existimat.*

Neque

Neque Dictis solum, verum & FACTIS multi Romano-Catholici suum à Jesuitarum Societate aversum animum testati sunt, ii que non Privati tantum, sed integra Regna & Respublicæ. Vix nati, COLONIA an. 1544. pulsi fuere, duobus tantum tunc ibi retentis. NOVIOMAGI, quamdiu illa Respublica Cultui Romano addicta fuit, sedes magno conatu sapiens quæsitæ, obtinere tamen non potuerunt; & cum an. 1559. Domus ipsis à Cive quodam legata esset, Magistratus, vigore sententiæ an. 1555. latæ, Donationem illam irritam pronunciavit. TRANSYLVANIÆ Principatu, ob facinora ipsis imputata, ejecti fuerunt an. 1590. In GALLIA cum inde ab an. 1544. fortunam sæpius tentassent, eamque jam secundam, jam adversam experti essent, demumque pedetentim per varios gradus effloruissent, tamen an. 1594. eodem Senatusconsulto, quo Regicida Castellus ad supplicium damnabatur, ipsi quoque Regno excedere jussi sunt. An. 1606. Respublica VENETA eosdem tota sua Ditione proscripsit, Bonis ipsorum Fisco publico addictis. An. 1638. Jesuitæ ex Insula MALTA, ob insolentias, ab Equitibus Ordinis S. Johannis faceßere jussi sunt.

Et hæc sufficere poterant; nisi, ut de POLONIA speciatim nonnihil adjiceretur, Instituti ratio exposceret. In hoc Regno Societas Jesuitarum à longo tempore floret, in eo tamen Sedes, non sine Lucta & Certaminibus obtinuit.

Initium factum an. 1564. cum multis, etiam Catholicis contrariantibus, Vilnæ primum Gymnasium ei Ordini erigeretur, brevi tempore per totum Regnum incrementa habituro. Veruntamen JOHANNES ZAMOSCIUS, Regni Cancellarius, Vir illustrissimus, cum. an. 1594. Academiam in Urbe sibi cognomine aperiret, Professoribus eximio Stipendio ad



eam Cracoviâ invitatis, è Societate Jesu nullos in ea admisit, teste Thuano, Lib. CXXXIV.

Paulo post in Polonia periculosè tumultuatum fuit ea, Nobilitatis contra Regem Confœderatione inita, quam Rokosz ipsi appellant, & quæ an. 1607. in nervum eousque erupit, ut ad Arma & Prælia deveniretur, quo tempore non Scriptis minus quam Armis certatum fuit; *Reposita inter hæc in Jesuitas superiore anno instituta Querimonia prolixo Scripto, quo in Jesuitarum præservidam satagendi in rebus civilibus diligentiam, omnium turbarum, quæ multis abhinc Annis Regna turbarunt, invidiam rejiciunt; Post multa, tandem subjiciunt, Samosci-um, Virum Sapientissimum, in Academia sua Jesuitas non admit-tendo, Documentum sibi dedisse, quod sequantur, & cum eo per-svasum habeant, Literas, contra quam a plerisque magno errore creditur, his hominibus carere posse. Eos proinde ut Reipublicæ noxios, ad institutionem puerilem in Literis inutiles, si pacate vi-vere cupiunt, Polonos Decreto publico ejicere debere, amplissima Vectigalia, quæ possident, Scholis Antiquis & Xenodochijs assigna-re; ejectis autem cavendum, ut nullo casu aut occasione rursus admit-tantur. Quæ polixius apud Thuanum videri possunt, Hist. Libr. CXXXVIII.*

Idem Historicus etiam Epistolam cujusdam STANISLAI PRZOWSKI Lublinensis conservavit, ab eo in Gymnasio Patavino literis operam dante, ad Antonium Possevinum S. J. illius Collegii primum Sodem scriptam: qua Jesuitas nimia satagendi cura, non solum in illis ad septentrionem positis Regioni-bus, sed & aliis, multa infelicitè peccasse & turbis ubique cau-sam dedisse arguit, recenti ante omnia Demetrii crudeliter occisi exemplo proposito, quem illi instaurandæ Religioni ad imperium provexisse gloriabantur... Sequuntur alia magni momenti ex-empla, qua ratione Jesuitæ præservidis suis Consiliis & Civili Statui

Statui & ipsi Ecclesiæ nocuerint. Addit denique, *Monarchiam illos in Ecclesia Catholica moliri, etiam Pontificis potentia, quem in speciem tantopere extollunt, si occasio ferat, frenum imponere paratos, ut eam Pontifici oblatam in se transferant. Gregorio XIII. optimo & indulgentissimo Seni tota vita imposuisse, & largitiones immodicas ab eo emunxisse, ac postremo pro tot benefactis ridiculo Legationis Japoniæ Choragio morienti illuisse. Pari impudentia Clementi VIII. cordatissimo & moderatissimo Pontifici operam suam vendidisse, mentione injecta de Silvestro Aldobrandino (Nepote Pon-tificis) Bosniæ creando Rege... Sic Persarum Regis, ad fidem scil. convertendi, Legatum subornatum, & de Delegatis è suo So-dalitiis ad ipsum mittendis rumor de industria sparsus... Sed omnem fidem superare, quod Jesuitæ nuper tentaverint, ut Con-fessiones & Absolutiones per Epistolas explicarentur, & acciperen-tur, quo semel recepto inistoriam tabernam aperiri, qua Sacer-dotes, sicuti Placentiæ Nummularii hodiè de pecunia, sic de peccat-is contrabant, & discussso trajectionum confessionum Calendario delegatæ Absolutionis fidem turpissima Nundinatione cauponentur, cumque ubique adesse non possent, omne conscientiarum Forum et-iam absentes ambitiosè occupent... habere in ea Societate omnia vitiorum genera patrociniis & excusationem &c. Sequuntur adhuc varia graviter dicta, sed nobis non licet esse prolixiori-bus. Qui volet, insignis Epistolæ argumentum integrum apud Thuanum legat, Libro CXXXVII.*

Notabile est, & vulgo vix probabile, quod Auctor allegatæ Epi-stolæ Jesuitis imputat, ipsos præservidis suis consiliis & civili Statui & Ecclesiæ nocuisse. Sed idem etiam alii majoris Aucto-ritatis Viri in Jesuitis notarunt. Etenim Jesuitas Sigismun-do III. Regi Pol. Regni Suecici amittendi Duces & Auctores fuisse, Paul. Piascius \* Episcopus & Historicus gravissimus non obscurè docet: Habebat, inquit, in Comitatu suo Nuncium Papæ Milaspinam, virum sagacem, sed nimium præcipiti consi-lio,

\* Piascius. ad Ann. 1594. pag. 134. Edit. Crac. 1645.



lio, aderant & Jesuitæ plures, quorum apud Regem præcipuam auctoritatem fuisse, ab ejus infantia Sveci noverant. Horum itaque vehementiore & intempestiva pro Religione Catholica contentione Sveci provocati &c. Hocque modo & Rex hæreditarii Regni Sveciæ jacturam fecit, & Religioni Romanæ aditus in Sveciæ Regnum præclusus fuit.

Neque verò eidem Regi in ipsa Polonia non æque infelices Consiliarios Jesuitæ sese præbuere, Rege & Republica in gravia delicta adductis. Sic an. 1606. in Tumultu illo Rokossianorum, cum de pace inter partes ageretur, Rex à Petr. Skarga, Hispano, ex Jesuitico Sodalitio, sicuti jactabatur persuasus, abrupto Pacis Negotio, eos armata manu invadere decreverat, nisi plerique milites prælium (civile & intestinum) detrectassent. Pacique maxime obstabat, quod Jesuitæ, qui consiliis exoticis, ut illi ajebant, fere reguntur, auctoritate in Aula Sigismundi R. pollebant. Ita hac de re Thuanus Lib. CXXXVI. paulo verecundius; sed consentientem sibi habens P. Piasecium, qui ad an. 1616. (pag. 358.) Aulæ hujus faciem audacius ita describit: Cubiculi Regii Præfectus, Andreas Bobola, octuagenarius, homo rudis, morosus, promotus ad istud Officium patrocínio Sacerdotum Societatis Jesu, quod illis in omnibus consentiret. Unde utrique conjuncta opera in privatis Colloquiis, quæ ipsis semper patebant, sollicitantes Regem ita constrinxerant, ut omnia ipsorum consiliis ageret, & Aulicorum spes & cura non nisi ab eorum favore penderent: NB. quin & in publicis negotiis isti suggerebant quid Rex decerneret, tanto majori Reipublicæ periculo, quod ad hujusmodi familiaritatem Regis assumebantur Personæ (præsertim Confessor & Concionator) à Scholis vel à Magisterio Novitiorum Religiosorum, rerum & status Politicæ prorsus expertes: NB. hæcque causa unica fuit errorum, non in domesticis solum, sed & in publicis, ut Moschicis, Svecicis, Livonicisque Regis rationibus, & tamen penè Sacrilegii crimen reputabatur, si quis eorum dicta factave reprehendisset, & nemini qui ipsis non applauderet facilis ad dignitates aditus patebat. Et mox ad an. 1618. (pag. 371.) Auctor non satis approbare videtur, quod

quod turpis proditor Favensbachius ad Aulam Regiam reversus, satis benevolum Regem habuerit, solo Michaële Bechano Sacerdote Societatis Jesu, Regio Confessore, reconciliationis ipsius arbitro, imò & totius illius Scenæ conscio. Lepidum verò est, quod idem illustris Historicus, ad An. 1621, (pag. 413.) refert, Jesuitas, qui novi tunc adhuc in Urbe Riga in Livonia, advenæ erant, intra 39. annos, nempe ab an. 1582. ad 1621. prope quadringentas controversias forenses apud Regium Judicium cum Rigenfibus agitandas habuerint, hosque ea re exacerbatos eousque impatientie processisse, ut Ulrichus Syndicus illius Civitatis aliquando perorans coram Rege & frequenti Senatu, prorumpere in ista verba ausus fuerit: Verendum esse, ne ad desperationem talibus controversiis Civitas adducatur. Neque prædictioni eventus defuit, Rigenfibus à Gustavo Sueco dicto anno obsessis, cum Urbem diutius defendere possent, ei se deditibus.

Famam verò de Jesuitarum Polypragmosyne non temere natam fuisse, vel inde apparet, quod Præpositus Generalis Jesuitici Sodalitii, AQUAVIVA, an. 1593. Provinciales & Rectores universi Ordinis, Romam ad Generalem Congregationem evocavit, & Decretum fecit, ut ab omni specie mali abstinerent, nec quisquam publicis, & Secularium Principum negotiis ulla ratione se immisceret. Decretum pium, sed cui si superius adductos Testes aliosque audimus, neque ipsi Generales, neque Provinciales, neque Socii, morem vel gessisse hactenus, vel in posterum sponte sua gesturi, videntur.

Qui vero præservida & præcipitata Jesuitarum Consilia tanquam ipsi Ecclesiæ Romanæ nonnunquam noxia queruntur, Experientiam testem appellant; quâ constat istius Ordinis homines an. 1562. & 1596. Scotiam adhuc nutantem; an. 1594. Sveciam: an. 1688. Magnam Britanniam violentis Consiliis & Factis suis amisisse. Ut quæ nostra ætate in Regno Siamensi similiter gesta sunt, præteramus.

)( )( )(

Sed



Sed in viam, de qua nonnihil decessisse videmur, redeundum est. Propositum erat dispicere an in ipsa quoque Polonia, Jesuitarum cæteroquia propensissima Nutrice, Altriceque indulgentissima, reperti fuerint, qui sinistram de hoc Ordine judicium tulerint. Adduximus ejus rei Exempla quædam; maximi tamen hac in Causa ponderis esse arbitror Sententiam antiquæ illius & toto Regno celeberrimæ ACADEMIÆ CRACOVIANÆ; quâ allatâ, toti huic Dissertationi Colophonem imponam. Et dictæ quidem Universitati cum Patribus Jesuitis inde ab horum in Poloniam Adventu Lites intercessere, verum missis aliis, sequentia tantum annotasse sufficiat.

Annus 1622. notabilis & nobilis propter hanc ipsam Controversiam fuit. Acta satis proluxa extant in *Mercure Jesuitique*, Tom. I. pag. 76. seqq. Cardo rei in eo consistebat, quod Jesuitæ, Aulæ favore subnixi, pedem in Academiam Cracoviensem, invitis Academiæ Proceribus inferre conarentur. Ventum tunc ad Protestationes & Reprotestationes, imo ad Jurgia & Studioforum utriusque Partis Pugnas. Academici in Responsione sua ad Protestationem Jesuitarum, his exprobrant, quod cum Societatem suam Magistram Morum, & Mundi Reformatricem profiteantur, sint tamen Homines hujus Seculi mores egregie possidentes, qui si cui egre facere cupiunt, ei dant blanda verba: Hypocritæ homines, corde duplici, lingua perforata. Improbi & Calumniatores. Qui omnes excommunicandos censent qui eos sinistro Oculo adspexerint. Nugatorum omnium audacissimi, sub quibus immanis fassus & exitio suo proximus latet. Nullam habentes frontem. Homines mala fide. Qui Majestates ad regendam suam insolentiam adducunt. Parietes dealbati. Calumniarum Lerna. Quos Princeps mendacii excacavit. Dii vos magni & minuti, Patres, quanti nugatores estis, omnium Mortalium summæ improbi & maligni. Ebrii a poculo ejus quæ sedet supra bestiam coccineam, sua vitia magnatum titulis velantes. Sejani apud Principes.

Perver-

Perversum verò Jesuitarum in erudienda Juventute Institutum, & exile quod ad Rempublicam inde redundare queat Commodum his, & similibus, verbis perstringunt: Collegium Jagellonianum, Professoribus plus octoginta constans, quorum infimus cum optimo Vestrum comparari possit. . . . Postquam Literæ Vanitate vestra coinquinatæ sunt. . . . desiere Literæ, desit eruditio, species Virtutis pro re est, fucus pro Veritate. . . . Putatis nempe, Patres, Poloniam ignorare, vos, cum per totum Regnum habeatis annui redditus plus quadringentis Millibus, tanto sumptu, tamque insano, Oratorem nullum, Historici Politici ne umbram quidem, Semitheologastros scholasticos aliquot, Philosophum sesquialterum, qui non dicere, sed dictare duntaxat scit, habere? Sub horum verò Vexillis, & pallio, aliquot millium gregem solis factionibus, præfictis, captandis animis muliercularum, re augenda versari, melioresque se inquietare? . . . Nimum degenerastis, nimum saturati estis, nimum vos rerum omnium copiâ fortuna blandiens implicuit, plus commodorum, voluptatum, & rei habetis, quam ut adduram discendi primum, demum docendi Provinciam pistrinumque, redigi valeatis. . . . Miris modis Juventutem sollicitare scientes, non ut eam doctiorem, sed ut sua Collegia frequentiora ad speciem faciant. . . . Convocantes Juventutem per Imagunculas, per sollicitationem Matrum, per Cantilationem Calumniarum. . . . Gnaviter impudentes. Qui putant se solos Ecclesiæ & Reipublicæ natos, cum tamen nihil minus unquam cogitent, quam his prodesse.

Porro Jactantiæ & vane Arrogantiæ Jesuitas reos peragunt, aliquot ejus rei Speciminibus allegatis. e. g. quod in Pompa Canonizationis S. Ignatii, Orbem Polonum cum ipsis Aquilis; & circumstantes Jesuitas illum sustinentes circumtulerunt, quasi scilicet ipsi Atlantes illi essent qui Orbem Polonum suis humeris portarent: item, quod Ignatium pinxerunt Populoque monstrarunt, totum terrarum Orbem tenentem, atque Ignem ex corde suo ebullientem,

)( )( 2



lientem, eoque Orbem irradiantem; cum Symbolo Scripturae, VENI IGNE MITTERE, item, quod Deum Patrem introduxerunt Urbem Romam & Terrarum Orbem, non soli Petro, sed etiam Ignatio commendantem &c.

Denique Responsi finem faciens Academia, Patribus valedicit dicto B. Hieronymi: Bene, quod malitia non habeat tantas vires, quantos conatus: perierat Innocentia, si semper nequitiae juncta esset potentia, & totum quicquid cupit Calumnia, praevaleret.

AO. 1725. Academia Cracoviensis (Verba sunt Piassecii, pag. 453.) Grave Certamen habuit cum Religiosis Societatis Jesu, qui ANTI-ACADEMIAM, seu aliam Academiam & Scholas instituti sui publicas, adjuti favore Regio & Episcopi Cracoviensis, Cracoviam aperuerant, ac ultimum Academiae tam clarae & vetustae (A. C. 1344. 17. Aug. fundatae) excidium illud futurum erat, cum Discipuli novarum rerum cupidi Gymnasia illius Academiae veteris deserturi viderentur, & ejus Doctores omni patrocinio destituti (etiam Curiae Romanae Mandatis oppugnabantur) de conservando Statu suo desperarent. Tanto magis, quod neque vis defuit Armorum, quibus aliquot Studiosi Academiae oppressi occubuerant, & plures saepius ad carcerem Arcis Cracoviensis abducebantur, orta aliquali contentione cum Iesuiticis, a quorum partibus erat Praefectus Regis illius Arcis, Gabriel Comes à Tarnow, & omnes ejus Ministri. Concordiam quae obtrudebatur, aliqui volebant: Sed quae firmaret jus novae Scholae Iesuitarum, Academiae verò infringeret, verumque infringi posse doceret, & novi nil praestaret Academicum. Unde Academici senes cautiores litem apertam paci inutili & periculosa praetulerunt, nec facilius Academiam cum Scholis Iesuiticis coire, quam mare Coelo misceri posse judicarunt. Sicque fortiora potius quam pacatiora consilia sequuti, evaserunt tandem ex illo periculo auspiciis novi Regis Vladislai postquam aliquot annis in forensi jurgio penè succubuerunt. Haecenus Piassecius, qui allegatis Verbis non Academiae Cracoviensis magis, quam & proprium

propriam de Iesuitis Judicium expromsisse dicendus est.

An. 1627. d. 29. Jul. Academia Cracoviensis ad Acad. Lovanensem Literas dedit, quibus suam de Iesuitarum Ordine sententiam minimè obscurè exponit: Illis mos est ubique res humanas aucupando, caelum jactare. . . Fuci Scholastici, primo Agniam praeseferentes, leoninam tandem, ubi vires sumserunt, induentes. Exhorruimus colubrum enectum gelu in sinu Matris ponere, unanimique consensione illud decrevimus, ne quisquam Consociationis & concordiae cum hac INSOCIABILI SOCIETATE hominum mentionem faceret. . . Novi Praeceptores, qui Luxu & petulantia, non Virtutis Studio cathedras erigunt. . . Ubi dolo non procedere vult, ad vim, calumnias & artes Aulae convertuntur. . . Conquirentes vicatim per Suburbia Discipulos & greges nebulonum. . . Semel & iterum urbem sanguine innocentissimo complevere, & cum satietas caedum non caperet Iesuitas indignitas facti barbaros, quos illi ad haec praeciosa facinora conduxerant, & tedium & misericordia cepit. Fascino quodam Principum sibi devincientes benevolentiam. Sanctuli. Surreptitiis furtivisque Privilegiis agentes. Fortunae nepotuli. . . Certè haec, quam concitarunt, Controversiâ, ostenderunt demum Iesuitae orbi nostro, se non esse id quod minabantur, illa Sanctitate & Innocentia; credamusque voce Populi tanquam Dei, & internis conscientiae ictibus eos discerpi & misere dilacerari, quicquid vultu simulant, & fronte mentiuntur. . . pessimae, & nimium omnibus notae, eaeque infinitae Artes Machinationesque Iesuitarum. Eruditio illis apud nos adeò tenuis, ut quod de regno literario ab eis occupando metuitis, nobis videatur illos aliud quippiam querere quam Literas, utpote quibus ad Sapientiam triennium praescriptum est, ad acquirendas opes Seculum non sufficiat. . . quantum nobis antè formidabiles essent nomine Literarum, tantum nunc contempti & abiecti jacent, & brevi magis atque magis tales futuri, scilicet qui Labori, & magnis illis laboris & sapientiae Saccerdotibus, Academicis inquam (suas illas Scenicas & plebeje Opinio-



pinionis varietate coloratas Scholulas erigendo) sempiternum bellum indixere; & quæ hujus generis plura sequuntur, aliqua similitudinis cum Gestis nostri temporis Vestigia non obscure præferentia.

Fuerunt ergo etiam inter POLONOS emunctioris naris Viri, quibus Jesuiticæ Societatis Institutum & Mores non usque adeo probabantur, & qui (ut paulo superius ex *Przowskio* audivimus,) *Jesuitas Monarchiam* quandam in Ecclesia Catholica ita moliri suspicati sunt, ut ipsi Pontifici Maximo, si ipsis contrarius sit, frenum imponere sint parati. Id equidem à Veritate abhorere plerisque videbitur, qui Patres istius Societatis tanquam Prætorianos Pontificis Maximi Milites, primariosque Sedis Apostolici satellites venerantur; sunt tamen qui contrà censeant, Jesuitas id agere, ut sub specie tuendæ Autoritatis Pontificiæ, propriam quam maximè stabiliant, Pontificiæ illi derogaturi, si ea suæ officiat. Opinio ista non caret veri specie. Etenim *Metteranus* gravis Auctor, Lib. XVI. e Scriptoribus quibusdam Pontificiis refert, cum Sixtus V. P. M. in Senectute non admodum faveret Jesuitis, reprehendens eos, quod mallerent *Jesuitæ* à Jesu dici, quam *Ignatiani* ab Ignatio, eam rem tantum odii ipsi conciliaffe, ut in Hispania, publicè *Lupus* & *Lutheranus* in Concionibus a Jesuitis proclamaretur, eaque res ipsi mortem acceleraret.

Neque verò id ab omni probabilitatis specie abludere iis videbitur, qui geminum quidpiam in ipsa Polonia noviter observaverint. Etenim ab hinc biennio circiter, postquam *Innocentibus XIII.* iniquum illud & crudele Decretum, quod in Tribunali Lublinski contra Gnos. *Sigismundum ab Unrug*, ex capite prætensæ Blasphemix latum fuerat, irritum pronunciaffet, Jesuitæ in Polonia, & ab iis edoctus Magnus quidam Prælat, (cujus Nomi ni parcitur) *Innocentium*, *Papam Lutheranum* appellavere, eaque propter festinâ morte (neque enim in illo fastigio tres annos com-

compleverat) sublatum fuisse, quod Decreto, Jesuitarum quam maximè operâ obtento, esset adversatus.

Huc accedunt Acta Jesuitarum sub Antecessore Innocentii *Clemente XI.* Pontifice, ab iis etiam qui Ecclesiæ Rom. non sunt addicti, admirationem & Venerationem promerito, cujus pios in Causa *Cultus Sinenfium Idolatrici*, contra Jesuitas Conatus, isti, cum aperta vi oppugnare non auderent, suffossis cuniculis, in opprobrium Sedis Romanæ, ejusque ad Sinenfes Legati, eluserunt; prout toti Orbi, qui Tragœdias illas spectavit, notum est.

Imprimis verò attentionem nostram merentur, quæ hoc ipso die in magno Orbis Theatro geruntur, inque omnium oculos incurrunt. Quis nescit *Benedictum XIII.* Dominicanorum familiæ & Dogmatibus innutritum, hisque propagandis intentum, à Patribus demum Jesuitis novam Theologiam priori oppositam, discere & profiteri coactum esse? ut adeo manifestum sit *Infallibilitatis* Axioma à Sede Petri in hanc Societatem esse translatum, & Jesuitas ipso Infalibili esse infallibiliores.

Ex eorum *Polonorum*, quibus Ordo iste displicebat numero erat etiam Auctor Anonymus, CONSILII, quod jam denuò vulgamus. Natum illud erat in maximis illis turbis, quæ Regnum Poloniæ an. 1606. & seq. conquassabant, quo tempore primùm *Polonicè* editum, mox autem an. 1607. in *latinum* conversum fuit; recudendum eodem illo anno *Upsaliæ*, & an. 1609. alicubi in *Germania*, sine loci indice; denique *Francosurti ad Mœnum*, an. 1632. Comiti *Axeljo ab Oxenstirn* tunc dedicatum. Præsens Editio ex *Upsaliensi* illa expressa est.

Habes ergo, Lector, Viros Communionis Romanæ, Opinionis de Jesuitarum Societate & Meritis diversissimæ. Si post auditas tot aliorum Sententias, meam denique requiris, verecundè habe:

Non nostrum inter Vos tantas componere lites.

Tu, Lector, ut es Sapiens, positis præjudiciis,

LEGE, EXPENDE, JUDICA.





**D**E Diogene illo Cynico Græca Historia narrat, Eum, cum aliquando Athenienses videret in publico periculo sollicitè concurrere, bellumque pro patriæ defensione non citra animorum perturbationem moliri, ne in publica illa sollicitudine solus nihil ageret, cum armis tractandis per se nequitiam etiam minus habilis esset, dolium, in quo ex instituti sui more habitare consueverat, sursum deorsum volvere cepisse.

Hoc factum, ut insolens, cum varii variè interpretarentur, prudentiores judicabant, Virum acutissimum hac ratione docere voluisse: in publico patriæ periculo nullum ingenuum civem ociosum aut securum esse oportere, cum potius singuli ita se comparare debeant, ut, si opere non possint, gestibus saltem, aut quacunque re licet, suum in Patriam propensum affectum, juvandæque Reipublicæ studium declararent.

Quod saluberrimi præcepti exemplum utinam hodie populares nostri imitandum sibi proponerent: Non quidem in eum finem, ut sua concursatione exorientes tumultus augeant, oleoque ardenti frigidam suffundant: Sed ut pro sua potius quisque virili annitatur, quo præsens Patriæ incendium, cujus gliscientes favillæ jam nimis diu & satis oscitanter neglectæ sunt, latissime



simè jam vagans restinguatur, pacatisque animis Reipublicæ tandem firma & solida pax restituatur.

Neque sanè dubito, quin talium ubicunque plurimi sint, qui Reipublicæ nec hîc nec alibi defuturi essent, si tantum haberent, qui in tanta rerum & animorum disidentium confusione fideliter indicarent, quid facto potissimum opus esset. Ego igitur, qui corpore hætenus per DEI voluntatem, quàm minimum valeo, ut ea saltem mei parte, quæ adhuc mediocriter viget, Reipublica præsto sim, hunc ipsum laborem in me recipere decrevi: non quod ad id ego omnium maximè idoneus sim, sed quod aliud in præsentia efficacius auxilium Patriæ præstare nequeam.

Itaque hoc scripto demonstrare conabor, quæ in hoc publico incendio potissima & omnium periculosissima flammæ vorantis materia sit, & qua ratione illa igni depascenti subtrahi, sedatisque animis factionum disidentium æstus imminui & paulatim extingui possit. Nec video quibus in rebus, quoque consilio Civis bonus hoc tempore operam cogitationesque suas salubrius & utilius consumere queat.

In hac autem commentatione vos potissimum, Illustrissimi Proceres, compellare decrevi, Et hoc iterum non propterea, quod in argumento tam arduo & difficili, tantæque insuper invidiæ expósito, aliquid vestro iudicio dignum me afferre posse confidam: Sed quod ad vos vestrum officium (dummodò in eodem Reipublicæ benè consulere volueritis) revocare, omniumque honorum & Reipublicæ tranquillitatis studiosorum civium desideria, earundem rerum seriam curam vobis imponere videantur. Plenus autem spei sum, futurum, ut si fortè non omnia mea vobis probavero, aliquid saltem ex hoc quisquiliarum acervo granorum colligatis: Aut si ne hoc quidem assequi potuero, vos saltem ex errore meo meliorum saniorumque consiliorum occasionem arripiatis. Utcunque autem res cadet, mihi

hi sufficiet, si vel inane dolium versando Reipublicæ in rebus tam arctis, si non operam, affectum saltem meum probem & testatum faciam.

Hic autem si ordine velim procedere, necessario aliquid primum de ipso morbo, quo Respublica nostra laborat. Deinde de ejus causis erit dicendum. In harum enim diligenti rerum investigatione certaue cognitione, eruditiores Medici primum ad restituendam sanitatem gradum non abs re constituunt.

Et quod ad morbum attinet, res subtili inquisitione minimè indiget, sub hoc utique rerum statu: majoris tamen perspicuitatis gratia, mali nostri publici universum complexum ad tria capita refero: sub quorum primo comprehendo periculosam illam disidentiam, quæ inter subditos hujus Regni & supremum nostrum Magistratum intercedit. Secundum in illo dissidio agnosco, quod inter Status, quos vocant, hoc est inter ordinem Ecclesiasticum & civilem seu Equestrem in hoc Regno gliscit, Patriæ que jam diu insigne aliquod malum minitatur. Sub tertio illud inusitatum inter Polonos factionum studium intelligo, quo Ordo Equester hoc præcipuè tempore ita graviter laborat, ut ad efficax aliquod remedium malis publicis adhibendum, nec virium satis, nec sufficientem auctoritatem habeat. Quæ patriæ nostræ pestis, à paucis annis eò usque excrevit, ut extincto generoso fraternitatis Polonicæ candore, alter alteri suspectus esse incipiat, ut nulla ferè amplius sermonis; nedum consiliorum libera nobis communicatio reliqua sit.

Hæc inquam tria nos premunt; Poloniæque nūc rebus aliter prospiciatur, gravissimè minitantur; Ut quorum ea sit ratio, ut unum aliquod illorum ad maximum Imperium evertendum sufficere queat. Quod omen DEus Opt. Max. prohibeat & à nobis clementer avertat.

Ad causas vero istorum malorum quod attinet, res in hoc publico dissidio & mutua partium incusatione infinitis ferè difficul-



ficultatibus implicata est, ut vix quisquam eam ex suo sensu decidere auit aut definire.

Quid enim hodie majori contentionis nixu inter nos agitur, quam ut alter in alterum turbatae Reipublicae culpam transferre conetur? Ubi tamen in eo ferè utrobique peccatur, ut morbus ipse morbive symptomata sapius pro ejusdem causis arripiantur: ut quia verbi gratia præcipuam doloris vim circa caput sentimus, ibidem & principalem morbi causam latere existimemus, ut hoc solùm & immediatè velimus curari. Non aliter quam si in ardente Causone aliquis ægroto cranium perforare, æstuantesque vapores emittere vellet: Cum si peritis Medicis auscultaremus de fonte nobis potius cogitandum esset, ex quo hæc injuriosa capitis gravedo scaturit & exhalat.

Nec in eo parum situm est, cum hic error qui in causarum indagatione committitur in omnibus disciplinis latissimè grassetur: in Politia tamen rerumque Politicarum tractatione longè frequentissimè occurrit, & ibidem multò quàm alibi periculosior est, ut qui in publicam salutem peccet, & sic omnium & singulorum res & fortunas secum involvat.

Mihi ergo ne idem accidat, omisis illis dissidentium mutuis accusationibus, quarum ego Judex esse nec possum, nec volo, generales causas persequar, indicaturus, qua ratione illæ, si non tolli, minui saltem & sensim mitigari queant.

Causæ verò vel internæ sunt vel externæ. Internas voco quæ ex ipsius corporis Polonici fatali Cachexia exortæ sunt, proximamque morbo materiam suppeditant, eundemque fovant & nutriunt. Externæ mihi sunt, quæ materiam hanc peccantem & ad morbosum habitum dispositam movent, proritant, impellunt & exasperant.

Ad internas præter illa privatorum peccata, quibus Dei ira quasi ordinariò provocatur, quæ propterea omnibus à condito mundo Rebus publicis exitium attulerunt, & quibus Polonia nostra hodiè, prohi dolor, saltem non obruitur, in specie refero

refero Religionis illud dissidium & factiones, quarum occasionem turbulenta & ambitiosa ingenia ex eadem causa arripiunt; Rei insuper familiaris avarum studium, publicæ verò supinum neglectum.

Veritatis odium & periculum; hypocryseos verò assentatoriaeque adulationis studium & favorem: Justitiæ depravationem, Injustitiæ verò palliationem.

Fortitudinem domi militiaeque in odium & suspensionem vocatam, degenerem verò ignaviam cultam promotamque; Ambitionem sine meritis, Ignaviam sine virtutis æmulatione; Innocentes oppressos, sceleratos defensos; Imbellem Innocentiam periclitantem, præferocem opibusque suffultam; improbitatem palam dominantem; virtutem denique neglectam, hypocrysin præmiis ornatam.

Hæc & his similia alia Corporis Polonici vicia seu potius fæda ulcera sunt; talia nimirum quibus regna circa suas fatales periodos ut plurimum obnoxia esse consueverunt. Ad quæ sananda nobis certiore, quàm qualem humana ratio præstare queat ope opus videtur. Quæ enim tam longo temporis tractu inter nos ita invaluerunt, ut actis altissimis radicibus in ipsius Regni habitum jam quasi conversa sint, non video qua ratione hoc exulcerato seculo, paullo acrius circa ægroti periculum moveri queant, nedum ut illa subito eradicari posse confidam, ut multorum haud dubiè inconsulta patientia optat. Ideoque circa hoc genus causarum ita nobis procedendum existimo, ut cohibitis prius & amotis externis & irritantibus causis, illarum fervidiorem motum primum utcunque sistamus, & deinceps per temporis successum (quo hujusmodi Chronici morbi magis quàm medicamentorum violenta operatione curantur) materiam hanc peccantem subtractione, alteratione &c. edomemus; Sic statuentes nobis in magna felicitatis parte reponendum, si DEI beneficio nobis contingat, ut navim nostram sub



hac fatali Europæ tempestate ita gubernare possumus, ut scopulos ad quos plerique hætenus ante oculos nostros gravissimè impeerunt, vel cum iactura aliqua evitemus.

Ad has ergo externas causas quod attinet, quarum sunt hæc illæ ipsæ, quæ hætenus in reliquis Europæ regnis eandem tempestatem excitarunt, cujus fremitum jam ab aliquot annis inter nos non citra horrorem animadvertimus: Quarum impetus à meridie & occidente per contigua Europæ progrediens, nostrum hunc Septentrionalem ortum, ceu turbo quidam videtur invadere. Ubi tamen DEI Opt. Max. Clementia Poloniæ hoc præ aliis Europæ nationibus benignissimè indulgit, ut pestis hæc nos ferè tentare ceperit, licet causæ intestinæ in Polonia à multis annis, non minus quàm alibi conspicuæ fuerint.

Quod ingens DEI beneficium inter alia, hoc nobis (dummodo eo uti voluerimus) præstare poterit, ut reliquorum Europæorum sub eodem morbo symptomata, casus & pericula, cum medicamentorum adhibitorum in utramque partem eventus observare, & in rem nostram convertere, & sic alieno periculo cautiore fieri possumus.

Ad quam felicitatem nobis tantò felicior aditus hoc tempore patet, quod tumultus illi non solum in recenti memoria & multis nostrorum ex oculari inspectione noti sint: sed quod plurimi insuper præstantes Viri, in singulis ferè nationibus sub ipsum morbi æstum de exorientium turbarum remedio, sua nobis eruditissima consilia, adeoque etiam acres interdum disceptationes, publicè communicarunt. Quorum veritatem sicut & errores eventus ipsemet ad nostrum percommodum usum, utrobique detexit.

Horum igitur ductum si sequamur, apparebit omnes Europæ ferè Regnorumque Europæorum ab annis 60. & circiter, turbas & seditiones (quarum nonnullæ valdè cruentæ & periculosæ fuerunt, & adhuc sunt) primam suam & generalem originem

ginem ex præsentis Religionis dissidio traxisse. Sed ita ut prudentissimus quisque non tam ipsum dissidium, quàm ejusdem componendi modum accuset, qui nempe sua viciofitate hæc periculosa morbi Symptomata causatus sit.

Hoc ipsum verò ut ii, qui in his rebus minus exercitati sunt, melius intelligant, rem sic explico.

Certum est Pontifices maximos cum Consistorio suo hætenus vehementer annexos esse, ut Imperium Ecclesiasticum, per superioris seculi motus haud leviter concussum, in pristinum statum restituerent, suamque per Europam Jurisdictionem plenè recuperarent.

Opus profectò magnum & arduum, cui melioribus mundi temporibus peculiari fortunæ afflatu opus fuisset: In quo etiam tantus hodie & tam contentiosus animorum obfirmatorum nixus & renixus deprehenditur, qui vel ipsius Alexandri victoriosum genium frangere & debilitare queat. Illi tamen hoc ita aggressi sunt, ut primum Religionis & Ordinis Ecclesiastici quandam reformationem publicè conceperint, cujus tamen capita non aliò, quam ad eum quem diximus scopum directæ erant.

Instituta ante annos 50. Cleri & Catholicæ Religionis reformatio, primam Europæis tumultibus occasionem præbuit.

Cumque ejus rei difficultatem ipsimet probè perspicerent, ut quibus negotii totius vitia optimè nota erant, inita sunt varia consilia, quæ cum paucissimis, ex ipso etiam Principum ordine, communicata sunt, per quæ objectas difficultates superari, remque promoveri posse sperabant.

Ad quorum executionem delecti sunt & operose instructi certi homines, qui Regibus apud subiectam multitudinem glaciem frangerent, factique non admodum grati invidiam quantum verbis possent, lenirent.

His ad eum modum comparatis, res omninò successura putabatur, quam propterea ii, quibus Provincia hæc extra Ordinem,



nem; uti dictum est, assignata erat, magno animo aggressi sunt, eamque fideliter urserunt. Eventus tamen longè alius, quàm qui sperabatur; secutus est. Siquidem conatus iste tam graviter ubique impegit, ut turbas longè maximas pepererit, Egoque affirmare ausim, omnes ferè Europæ intestinos tumultus, quibus ab annis ferè 50. ex quo nimirum prædictæ Reformationis negotium seridè urgeri cepit, quatitur, ex hac capitali scaturigine promanasse.

Modus institutæ reformationis vitiosus.

Quod ipsum tamen ea conditione affirmo, ut non tam ipsam reformationem (quamvis ne hæc quidem, ut jam dictum est, omnem fraudis suspensionem effugere potuerit) quàm ejusdem exequendæ modum accusem. Hic enim cùm perversè institueretur, illas turbas excitavit, quarum dubius eventus adhuc orbem Christianum sollicitum & suspensum tenet.

Hoc autem si quis fortè apertius sibi declarari cupiat, sic habeto. Institutæ Reformationis hoc præcipuum vitium erat; Noverant enim illi omnium mortalium votis id unicè expeti, ut vetus disciplina Ecclesiastica restitueretur, Cleri mores seridè emendarentur, abusus nimium conspicui abrogarentur. Expetebat autem hoc non tam promiscuum vulgus, quàm ex Procerum numero prudentissimus quisque, qui & Ecclesiæ consultum volebant, suorumque populorum gemitus miserabantur. Sed si verum fateri volumus, Caput hoc admodum perfunctoriè ab universo Clero tractatum fuit, ut qui hoc potius operam dederint, ut suam auctoritatem tuerentur, statumque secularem sibi denuò subicerent, itaque constringerent, ut suæ libertati contra eundem in perpetuum caverent. Ex hoc ergò Capitali errore hæc deinceps executionis vitia prodierunt.

- I. Primum utrumque Imperii Europæi brachium aggressi sunt, statum nempe Ecclesiasticum & Civilem sive Religionem & Politiam, cùm alterutrum istorum plus satis negotii eis exhibitum fuisset.

Dein-

Deinde hos ipsos status inter se ita commiserunt, ut inverso naturæ ordine, Ecclesiastico Agentis, Politico verò Patientis partes assignarint.

II.

Coacti denique sunt ad harum rerum praxin mediis in Ecclesia parum legitimis, adeoque violentis & valde odiosis uti.

III.

Et hæc quidem media duplicia fuerunt: Primum hoc præcipuè operam dederunt, ut Regum & Principum studia in hoc opere sibi conciliarent, seque eorum auctoritate munirent. Quo ipso nihil opus fuisset, si in institutæ Reformationis negotio recto pede incesissent. Ipsi tamen ut hæc Regum præsidia facilius consequerentur, eosdem communi cuidam foederi illigaverunt, per quod ad prædictorum consiliorum executionem conjunctim obligabantur. Et hinc est illa nostri temporis famata Principum Catholicorum Unio, res per se speciosa, sed quæ Europæ multarum calamitatum causa extitit.

Exinde ad persuadendum vulgus, hujusmodi Oratores delegerunt, quorum opera, in tractando Religionis negotio, legitima quidem fuisset, nec suo fortassis successu caruisset, si intra vocationis, quam verbis præ se ferebant, limites substitissent. Sed illi his transgressis in id ferè principaliter incubuerunt, ut Politias statumque Politicum ad suum propositum conformarent. Et hoc quidem ea ratione, ut ausu periculosissimo publicas Leges & Nationum Statuta, per quæ nempe propositum suum impediri sentiebant, hinc tollere, ibi mutare, adeoque ad suum sensum omnia ubique reformare conarentur.

Secundum.

Horum verò utrumque quantæ invidiæ expositum fuerit, & quantæ per consequens ei difficultates fuerint objectæ, cordatiores faciliè intelligant.

Quantum enim ad tentatam Regum ac Principum Unionem attinet, illa per se hæcenus intra Europam aded semper incommoda,

B

diffi-



Unio Regum difficilis fuit, ut quamvis multi & magni nominis Pontifices in eadem laborarint, ad exitum tamen eam vix unquam potuerint perducere: tum inquam quando unanimi Religionis sensu omnes ducebantur. Qui ergo successus in hac publica opinionum animorum & designationum discrepantia sperari potuit?

Reliquis Re- *Deinde* hic ipse in Regibus demerendis & uniendis ambitus gibus susp- ipsum negotium, quod aliàs plerisque non multum placebat, sta. magis, suspectum fecit, partem adversam obfirmavit, eidemque sui muniendi & defendendi necessitatem imposuit. Idque tanto magis quod hæc unio plerisque ad unius saltem familiæ privatum commodum & utilitatem instituta videbatur, ut eidem videlicet jam diu affectatum Europæ Dominium confirmaretur. Quod ipsum quantum institutæ reformationi profuerit, eventus in hunc usque diem testatur.

Ad reformationis executionem parum utilis. Tertiò, Regum illa Unio, etsi interdum aliquousque promotionis cesfit, ad expectatam tamen rei promotionem, tantum momenti non attulit, quantum plerique sibi polliciti fuerant, idque ex duplici causa: Quod primum Reges & Principes Uniti, ut ut se interdum Sanctissimis ultrò obtulerint, negotium tamen syncre nonnunquam tractarint, ut non multoties, sub ejusdem prætextu, sua privata commoda quæstarent.

Hispani sub prætextu Religionis Monarchiam suam amplificare conantur. Sicut in Galliis non ita dudum manifestò licuit perspicere, quando quidam Rex potentissimus partium Catholicarum patrocinium susceperat, ibi tandem apparuit, Eum sub hoc obtentu Galliæ regnum affectare. Cum enim animadverteret, plerosque factionis illius Proceres ab Imperio Hispanico abhorre, oblitus personæ, quam agendam susceperat, manus auxiliatrices retrahere cœpit, ut qui videret, se spe sua frustratum. Id quod Sixtus V. tempestivè subodoratus est & ægerrimè tulit.

Talia autem plura exempla adduci possent, ex iis etiam quæ nos propius tangunt. Ex his ergò personatis & malefidis Principum molitionibus, in Unionis agro perpetuarum simultatum copiosissima seges indies succrescit, per quas prædictum Reformationis

Reformationis opus magis turbatur, quàm promovetur. Severorum Quodque deinceps illorum Regum conatus, ubi etiam seridè edictorum in rem egerunt, per illam edictorum severitatem, subditis magis causa Religionis effectus. invisum fecerunt, quàm commendarunt.

Cum enim omnis coactio menti humanæ gravis & molesta sit, tum illa inprimis animum liberaliter institutum enormiter lædit & fauciat, quæ ei Religionis nomine vis affertur. Quod tacitus quidam naturæ instinctus hoc omnes doceat: DEI cultum liberi & spontanei motus esse debere. Hoc animadvertentes nonnulli ex Regum Unitorum Ordine, hanc violentæ coactionis invidiam declinare voluerunt, dum ab odiosa illa Edictorum acerbitate abstinere, & subditis religionis arbitrium ad speciem liberum relinquunt. Interim tamen, ut Unionis legibus satisfaciant, rem dissimulanter & quasi per cuniculos aggrediuntur, dum eos quos Religionis nomine oderunt, vel ab honoribus rei publicæ beneficiis excludunt, vel in jure dicundo aliisve artibus eos variè impediunt & premunt, ut tandem adversitatibus fracti seipsum eis dedere & conformare cogantur.

Artes aulicæ nostrorum temporum.

Et nostris temporibus præcipuum artificium est iis in locis, in quibus Hispanica Inquisitio per Regnorum leges Nationumque libertatem locum habere nequit, cui à nonnullis multum tribuitur: Fieri que potest ut non pauci hac ratione subigantur. Si quis tamen rem penitus consideret, facile deprehendet has subtiles artes, ut vulgò æstimantur, publico Statui plus nocere, quàm apertam Tyrannidem.

Ipsam etenim religionem quàm hætenus ut falsam abominati sunt, nunc etiam de Tyrannicâ injusticia suspectam habere incipiunt. Deinde Magistratus auctoritatem unicum illud throni fulcimentum convellunt & subvertunt, ipsamque Principis personam subditis exosam reddunt. Illarum denique injuria altius, quàm vis aperta, penetrat & generosis præcipuè mentibus

Earundem fructus.



tibus inextinguibilem offensam memoriam imprimit & inurit. Et hi animorum affectus utut fortè ad tempus, ceu ignis sub cineribus, latitant, quam primum externa qualiscunque ventilatio accedit, tanto periculosius erumpunt.

Adhuc ergo primum Executionis medium ad excitandas turbas, quàm ad promovendam reformationem, multò efficacius fuit.

Secundi Me-  
di effectus.

Nec res in reliquorum impedimentorum remotione melius successerunt. Cum enim his de instituenda reformatione decretis & statutis, non solum diversus Religionis sensus, per Europam jam latissimè sparsus, sed etiam Nationum populorumque privilegia, leges, libertates & mores obstarent, illa citra tumultum ne moveri quidem potuerunt. Quæ omnia tamen à præservidis ingeniis, quibus hæc provincia non citra delectum demandata erat, non solum mota, sed acriter commota & vehementer perturbata esse constat.

Institutæ re-  
formationis  
effectus in  
ipsis Regnis.

Hinc ergo turbæ, hinc similtates, hinc odia, hinc diffidentia cum reliquis fatalibus *Furiis*, quibus nostro tempore *Status Politicus* infestatur, ceu ex Orco proruperunt.

Id quod omnes Europæ Nationes, quas hæc pestis pervasit, sonora voce profitentur, hanc & non aliam calamitatum suarum causam omnes, qui citra morbi affectionem judicant, summo consensu allegant.

Videamus nunc ergò nùm malorum nostrorum Polonicorum eadem ratio sit, & nùm hæc etiam externa causa ad eorum inflammationem & exasperationem aliquid contulerit? Id quod multis fortè difficulter persuadebitur. Ego tamen illud constanter assero & assertionis meæ has probationes assero.

De eo primum satis constat Clerum Poloniæ & ipsum tandem vehementer urgeri cœpisse, ut ad eorundem Consiliorum communicationem semet aggregaret. Ad quod ipsum tamen præci-

præcipui istius Ordinis ab initio valde lenti fuerunt: non quod Eadem Re-  
rem improbarent, sed quod executionis difficultate deterrerent-  
tur. Tandem tamen exterorum instinctus prævaluit & tergi-  
versantes impulit. Ideoque in hunc finem non ita dudum Sy-  
nodus illa Petricoviensis celebrata fuit: Cujus decreta pleris-  
que vel eo tantum nomine suspecta fuerunt, quod tanto studio  
occultata fuerunt & suppressa.

Sed nec illud cuiquam dubium esse potest, ab his ipsis pri-  
mo loco diligenter curatum fuisse, ut Reges Poloniæ prædictæ  
Unioni implicarent, eosdemque cum Domo præcipuè Austria-  
ca quàm arctissimè conjungerent. Ex qua nimirum conjuncti-  
one maximum ad prædictæ executionis promotionem emolu-  
mentum sperabatur: Ut quæ ad subditos in utroque Regno  
magis perterrendos, & in Ordinem redigendos permultum fa-  
ctura videbatur, quantumvis consiliis illis longè aliud pallium  
obduceretur.

Harum verò rerum praxis post infelicem illam expeditio-  
nem in Sueciam, quasi renovata fuit, ubi nonnullorum studia  
valde conspicua extiterunt, eorum videlicet, quos præter jam  
dictas causas Sueciæ amissæ invidia urgebat. Qui propterea  
omnem lapidem moverunt, ut novis Regum amicitiiis accepti  
infortunii sensum nonnihil mitigarent.

Veruntamen ut inter vicina Regna ferè fieri consuevit, Austriacorum  
Austriacorum studia nostratibus semper suspecta fuerunt, ideo-  
que pro hac vice etiam ad Agentium illorum, consilia promo-  
venda tantum non contulerunt, quantum speratum fuerat. Cum  
præsertim præter vulgares illas Regum Regnorumque vicinorum  
similtates & dissensiones alia non pauca, quotidie intra & ex-  
tra Regnum, inciderent, quæ hujusmodi conjunctionem Reipu-  
blicæ nostræ minus commodam, ipsis etiam Civibus formidabi-  
lem, efficerent. Per ejus itaque attentationem nil amplius ef-  
fectum fuit, quàm ut inveteratæ suspiciones periculosius recru-  
descerent.



Quod ipsum etsi iis, qui hæc agitabant, non ignotum esset, se tamen adeo non passi sunt impediri, publicamque indignationem tam securè contempserint, ut tantò potius confidentius in proposito perrexerint, illudque tandem per fas & nefas ad exitum conati sunt perducere.

Hic ergo molitionum jam antea suspectarum tam importunus fervor eum tandem eventum sortitus est, ut offensa Nobilitate, Regnum factionibus mutuaque dissidentia impletum sit. Et Rex ipsemet subditis, subditi verò Regi suspecti esse cœperint. Quam constat proximam & compendiosissimam esse ad Reipublicæ dismembrationem & interitum viam. Et hac ratione prius illud institutæ reformationis turbatæque Europæ medium satis inter nos, ut opinor, efficaciter operatum est.

Ad alterum quod attinet, *Popularium* nempe obstaculorum remotionem, nemo Polonus opinor negabit in hoc regno majora & robustiora eis objecta fuisse, & adhuc objici quam in nulla Europæa Natione. Consilia enim ista inter nos, ut quidem nunc res sunt, ad effectum, quem ipsi cupiunt, perducere nullo modo possunt, nisi aut Hispanica Inquisitio, aut quiddam, quod Inquisitioni illi æquivalet, in Regnum introducat. Per quod nempe Polonia ad Hispanismi aliquam similitudinem redacta, prædictæ executioni opportuna reddatur. Patet verò nostra ea corporum animorumque libertate hætenus utitur, qualem fortissimæ nationes & generosissimus quisque sibi optare poterit.

Qua libertatis fiducia ex ipsis etiam Catholicis Cordationes enormes illos abusus & vanas superstitiones, quas in Religionem ipsam ejusdemque exercitium irrepsisse constat, magnâ multoties libertate coram ipsis etiam Prælati repræhendunt & detestantur. Et quis inter nos rei istius potestatem sibi eripi patietur, quæ tamen coram Inquisitionis Hispanicæ Tribunali ignis supplicio adjudicaretur?

Nemo

Captæ reformationis executio citra libertatis Poloniæ præjudicium perfici nequit.

Nemo igitur est, qui non videat, quàm duro collisu hæc Confœderatio inter se committi oportuerit? Postquam inprimis libertas illa, quatenus animum præcipuè & conscientias concernit, non ita executionis dudum per *confœderationem* publicam, contra eadem tentamenta denuo & quasi extra Ordinem confirmata est?

Quamvis autem Hispanicam Inquisitionem nemo nobis hætenus apertè & ex professio conatus sit obtrudere, quod intellexerint, hoc citra periculum vix posse tentari: Via tamen ad hujusmodi aliquam imperiosam coërcitationem, variis artibus, paulatim & quasi per Cuniculos parata est, sensimque muniri cepit: Eo nimirum adhibito artificio, quo rem citra omnem mutationis sensum Præficientes illi se consequuturos sperabant: Tam cautè tamen & circumspectè incedere non potuerunt, quodque agebant tam probè nunquam potuit dissimulari, ut rerum à Diametro pugnantium, tamque asperarum ut levis agitatio, non ingentem flammam vel tandem eliceret. De quo ipso, proh dolor, oculorum aspectus hodiè testatur.

Hæc à me omnia verissimè dici omnes norunt, qui rerum nostratum aliquam saltem notitiam habent, quique actiones nostras Comitiales ab aliquot annis vel è longè spectarunt. Nec dissidentur hoc ii, qui in partibus adhuc inter nos eatenus hærent, ut & prædictæ reformationis negotium cupidè amplectantur, ejusque studiosæ, per legitima tamen media, executioni faveant.

Adhuc ergo perspicuum est, Reipublicæ nostræ intestina mala, non solum per easdem externas causas proritari & exasperari, per quas reliqua hætenus Europa turbata fuit, sed eundem etiam in iis operationis modum teneri.

In his igitur tollendis & amovendis opera nostra occupari debet, siquidem ordine procedere, Matrique nostræ cum aliqua spe salutis opem ferre voluerimus.

Scio



Scio tamen quid heic nonnullus dicturus sit : Me hoc differendo Morbum ferè incurabilem ostendere, cum harum rerum studio consiliorumque istorum exoticorum effectuosæ executioni potissima pars Regni implicatæ sit, ut curatio hîc etiam ipso morbo difficilior, adde & periculofior, futura videatur.

Non est de nihilo quodd dicitur, novique egomet multos prudentes viros in eo consentire ; Existimo tamen, omnia opinione nostra faciliora fore, si primum inter res ipsas earundemque abusum, deinde inter personas, à quibus illæ tractantur, accuratè distinguatur,

NB. Ad res quodd attinet, nec Austriacæ familiæ, inter Europæas hæc haud dubiò eminentissimæ, nec quorumcunque coeterorum Regum & Principum cum nostris Regibus legitima & syn-cera conjunctio per se, vel NOS, vel Rempubicæ nostram in minimo lædit : sed eidem potius præsidio & ornamento futura esset, si à Prædicantibus illis ad sinistras suspiciones non tam densæ nostratibus occasiones præberentur.

NB. Eadem fere ratio est alterius Medii, ab hujus enim executione nihil turbarum esset nobis metuendum, si modò ita institueretur, ut intra legitimum docendi modum consisteret, missisque aliis parùm convenientibus practicis eventus DEO committeretur. Non igitur res istæ per se, sed earum abusus & perversus Tractationis modus Rempubicam lædunt, & has in præsentia difficultates nobis pariunt.

NB. Hæc itaque in rebus differentia si observetur, inter ipsas etiam personas manifestam nobis discriminis rationem ostendit : ut nempe non omnes eos, qui prædictis rebus manum quocunque modo admovent, pro veris calamitatis nostræ autoribus habeamus, ut curationis, de qua dicturus sum, actum ad omnes & singulos extendi oporteat ; sed eos tantum qui prædicti abusus præcipuam culpam sustinent.

Si

Si quærat aliquis, quinam illi sint ? Respondeo, si eorum quos in hisce rebus periculosa experientia longo tempore erudiit, consentiens testimonium admittere, Si præterea ipsam rerum evidentem inter nos experientiam in Consilium adhibere volumus, *JESUITAS ET INSTITUTUM JESUITICUM* pro iis nobis necessariò esse habendos. Hi inquam, sicut in supradictorum consiliorum executoriali praxi primas sibi ubique arrogant : ita alteram ejus & quidem odiosissimam, & nostrarum imprimis rerum respectu perniciosissimam partem, extra ordinem sibi suæque actualitati desumpserunt. In qua agitanda ita hætenus versantur, ut quod in hisce consiliis pessimum est, præcipuè arripiant, arreptum pejus efficiant, & vim ejus malitiosam per subjectum Reipublicæ corpus, quo jure, quave injuria, quasi transadigere & per partes applicare conentur. Ut sic prorsus sentiant, si Jesuitæ non essent, Nos aut turbas ejusmodi nullas habituros, aut si quæ fortè, ut ex consensu reliquarum partium Europæarum, abortæ fuissent, eas multò facilius minorique periculo consopiri posse. Hoc quidem certum est, Poloniam ab iis ultimo loco inter Europæas Nationes commotam esse.

Hoc verò cum illud ipsum sit, de quo inter nos quàm maxime controversatur, judicii hujus rationes aliquanto accuratius erunt demonstrandæ. Quod ita faciam ut primùm ad oculum demonstrem *Instituti Jesuitici*, si per se consideretur, eam esse rationem, ut liberæ Reipublicæ valde inimicum & adversum, Libertati verò Polonicæ imprimis formidandum sit.

Deinde vivis aliquot exemplis ostendam, quàm periculose Secta hæc Statum Politicum hinc inde per Europam turbarit.

Tertiò, objectiones nonnullas diluam, quæ sententiæ huic à contrarium sentientibus ferè opponuntur. Quæ tria si à me demonstrata fuerint, *quartum*, quod principaliter intendo, sua sponte sequetur : Iis nempe qui Rempubicam restitutam & salvam cupiunt, præcipuam operam dandam esse, *Ut Jesuitæ*

†  
NB. NB.

Jesuitarum  
conatus &  
fervor omni-  
um intra Re-  
gnum exces-  
sum prima-  
ria causa.

I. Consilii hu-  
jus præcipua  
demonstrati-  
onis capita.

II.

III.

IV.

G te



ta & Jesuitismus extra Regnum eliminantur, quò sic remotis hisce Interturbatoribus, certa aliqua & firma stabilienda Pacis ratio iniri queat.

Ad primum quod attinet, in eo tria confidero : *Ipsam Ordinis Politiam : Finem ad quem tendit : Operationes sive Praxin ; per quæ hunc finem conatur assequi.*

*Politiam*, si penitus introspiciemus, fatendum nobis erit, eam in hoc genere accuratè dispositam, firmissimam, & ad res magnas gerendas aptissimam esse : Ut parti cui se applicaverit vel opposuerit permultum prodesse queat. Generalis Dispositio purè Monarchica est, forma nimirum Politicæ ad movendum & agendum commodissima. Monarchicæ dispositionis nervi in hisce rebus consistunt ; capite primum uno regitur, deinde hoc caput uni etiam loco, Urbi nimirum Romæ, alligatum est, ubi perpetuò residere cogitur. Quæ res Sectæ huic inter alia hoc præstat, ut uno certò & uniformi aëre perpetuò regatur & vegetetur, Romani nempe Consistorii afflatu, prout is ab iis, qui Romæ omnia possunt, afficitur. *Disciplinæ* denique forma Institutum hoc longè arctissima utitur, qua cives ejus ad cœcam obædientiam (sic ipsimet loqui consueverunt) astringuntur, in tantum ut Minoribus in nulla Majorum vel absurdissima imperia inquirere liceat : Nedum ut aliquis ea detrectare ausit.

Hæc ergò formam illam Monarchicam constituunt, constitutam firmissimè constringunt, adeoque faciunt, ut actiones ejus efficacissimæ sint, & ceu cuneus quidam penetrent. Illa verò hanc compactionis soliditatem adjuvant, eandemque solidiorem efficiunt. Quod *Primum* Communitatis hujus basis, per fixam illam Generalis sedem Romanæ sedi & Consistorio, ut dictum est, quasi affigitur & implantatur.

II. *Deindè* quod eandem Hispanico Imperio similiter inferunt, Dum inter septem generales, qui sibi hucusque, si rectè memini, invicem successerunt, neminem elegerunt, qui non vel natione vel ditione Hispanus esset, quæ res non caret mysterio.

*Tertiò*

*Tertiò* quod ex tot diversis Clericorum Ordinibus, soli ferè *Jesuitæ* ab utriusque fori ordinariâ Jurisdictione exempti sunt : ut nullum prorsus in nationibus, nisi sui Corporis superiorem agnoscant, qui plerumque Italus aut Hispanus est. Ut sic Ordo *Jesuiticus* ab omni juris Polonici cœrcitione solutus, inter nos liberrimè versetur, suisque molitionibus securè incumbat. *Quartò* quodd etiam in subdelegatis Imperiis hactenus diligenter cavent, ne in Nationibus Provinciales unquam ex indigenis eligant, sed vel Hispanis vel Italis dignitates illas conferunt, aut saltem iis qui ex Anglia, Gallia &c. propter facinora aliqua profugerunt, aut propter nimium Hispaniæ studium, ex prædictis Nationibus proscripti sunt.

Seniores verò Rectores & his similes inter nos rarissimè ex Nobilium ordine, sed ex plebe tantum adoptant. Quod cur fiat, conjectura non est difficilis : Generosa nempe Nobilitatis pectora erga patriam ita affecta nòrunt, ut suis consiliis & Practicis ea minus commoda & oportuna statuunt. Interim his rebus fit, ut cùm Jesuitismi venter nostras ferè sit, quem videlicet nostris opibus explere & suffarcire cogimur : Caput tantum Hispanico & Italico cerebro repletum habeat, ad cujus nempe sensum reliquum corpus movetur.

Hæc igitur ad Monarchicum robur, iterum perquam multum faciunt, incursus Jesuitici impetum certissimè dirigunt, & sectæ huic ad consiliorum suorum executionem, invictum plane & penetrantem constantiam præbent.

Porro huic ipsi Imperii Jesuitici formæ per subordinatarum dignitatum distinctos gradus variasque species egregiè contra omnes Monarchiæ incommoditates & vitia prospectum est : Ut si ex humano sensu judicetur, ei neque à Tyrannicâ oppressionem, nec seditiosâ dissolutionem, ullum periculum sit extimescendum : Quod ipsum etiam prædictæ fodalitati ad res gerendas miram corporis agilitatem conciliat.

C 2

Qua-

III.

IV.

V.

Nobilitas Polonica ad cœcam Jesuiticam obædientiam parum idonea. Polonia Jesuitismum nutrit Hispania & Italia eodem utuntur.



NB. Quarum rerum omnium illustre documentum nobis Historia postremi motus Galliae præbet, ubi compertum est: in illa desperata totius Regni perturbatione, ex solo Jesuitarum ordine *Neminem*, ac ne unum quidem Jesuiticum individuum fuisse, qui Reipublicæ partes secutus esset: cum contra ex omnibus aliis Clericorum Ordinibus permulti Regias Reipublicæ partes fideliter tuerentur.

Jesuitismus  
Cor factionis  
Hispanicæ in  
Gallia. Hispano autem hi ipsi Jesuitæ tam pertinaciter adhæserunt, itaque fervidè studuerunt, ut ejus factioni pro anima aut potius pro corde fuerint: De quo vulgo dicunt, quod in corporis humani structura sit primum vivens & ultimum moriens.

Prædicta sanè factio prius opprimi non potuit, aut eradicari, quàm Jesuitæ Regno exigerentur. Quod fidele & perdurans robur instituto huic, in tam variegata hominum colluvie, nihil aliud præstat, quàm ea quæ hæcenus de Politicæ formâ diximus.

NB. Nùm verò hæc talia sint, à quibus sibi Respublica Polona metuere debeat, iis cogitandum relinquo, qui superiori autumno artium istarum aliquem gustum perceperunt. Ego interim factionem Jesuiticam inter nos non aliter æstimo, quàm agilem quendam & acutum gladium, cujus lamina quidem in vaginam Polonicam recondita est: Sed ita ut capulum Romana Aula & Hispania manibus teneant, & sic eum ad nutum suum vibrent, id quòd Instituti hujus proprius finis aliquantò clarius docebit.

Finis Instituti Jesuitici. Hic autem & ipse quiddam singulare, & ab omnibus aliis Monachorum ordinibus diversum habet. Omnes enim aliorum Religiosorum Ordines in hunc finem ut plurimum inventi & approbati sunt, & eò tendunt, ut popularis devotio per eos augeatur, Religio Romano-Catholica magis splendeat, & Ordinis Spiritualium Pomæria dilatentur &c. Jesuitæ verò etsi hisce rebus & ipsi pro virili studeant, sui tamen principalis finis longè sublimiorem scopum præfixum habent: Qui nempe est,

ut Romanæ Ecclesiæ sive Imperii Ecclesiastici collapsam auctoritatem non solum recuperent, in quo studio reliquos Clericos Commilitones habent, sed ut subjectum præcipuè Europæ orbem ita corrigant & reforment, ut hujusmodi insultus, quos res Romana hæcenus est perpessa, in longum præcaveant, sublatis & quasi obstrictis omnibus occasionibus, per quas antè hac populus ad eandem propugnandam aditus præbitus fuit.

Quas occasiones norunt non aliunde densius emerxisse, Molitionum quàm ex Subditorum in hisce Septentrionalibus Regnis nimia, Jesuiticarum in hisce regionibus legibus, quibus hæcenus ita firmatur, ut Inquisitionis Hispanicæ intentatum jugum constanter repellat. præcipua impedimenta.

Horum igitur remotio & annihilatio Jesuitis, per quartum illud & sectæ huic proprium votum extra Ordinem injunctum est. In hunc finem tot extraordinariis Privilegiis Bullis & Indultis instructi & muniti sunt, ut non solum facultate reliquo Clero universo præpolleant, sed jam ipsis Episcopis & superiorum Prælatorum Ordini graves & formidabiles esse incipiant. Nec ego dubito, quin gens *Jesuitica* aliquando Romanæ Ecclesiæ horrendi scismatis occasionem præbitura sit. Id quod sanè ipsimet inter nos jam hoc conspicuum Exordium fecerunt, quo eos, qui Romanæ Ecclesiæ instituta sequuntur, in *genuinos Catholicos & Politicos* distinguunt. Veri autem Catholici eis sunt, non qui Catholicè vivunt aut credunt, sed qui ipsorum factioni ita toti addicti sunt, ut omnes illorum molitiones probent, serioque promoveant. Pro Politicis verò, id est Pseudo Catholicis eos habent, qui etsi in Fide & vita Ecclesiæ Romanæ se per omnia conforment, Jesuitarum tamen factiosa consilia & præfervidos conatus detestantur, majoremque Patriæ & Reipublicæ quàm exoticarum factionum & practicarum respectum habent, quod ipsum, quale sit, prudentibus liquere existimo. Interea in his ipsis rebus specifica differentia consistit Jesuitismi, per quam à Clero reliquo discernitur, ejusdemque genus quasi transcendit. Jesuitismi specificus Character.



Venetorum  
cum Pontifi-  
ce Contro-  
versia.

NB.

Cum verò hoc ipsi constanter negare consueverint, vivo illud exemplo erit demonstrandum. Inter Venetos & Pontificem hoc maximè tempore controversia intercedit super quadam Ducatus Ferrariensis particula, quam Veneti, ut audio, ante annos 130. aperto bello sibi acquisiverunt. Itemque super Constitutionibus quibusdam, quarum renovandarum occasionem præbuerunt Magistratui Veneto *Jesuitarum artes testamentariae*, Pontifex autem eas in fraudem Ecclesiæ fractas esse conqueritur, Veneti hoc nomine à Pontifice compellati, jure suo cedere nolunt, sed palàm præ se ferunt, sibi in sua ditione supremam Jurisdictionem, & sic etiam Legum ferendarum potestatem, non autem Pontifici competere &c. Quo animadverso Pontifex Excommunicationis fulmine eos territat. Senatus hoc cognito Clerum suum compellat, Jus Reipublicæ eidem exponit: Pontificis Pontificiæque Excommunicationis iniquitatem demonstrat, eosdemque pro Autoritate hortatur, ut curato officio Excommunicationem pro nulla habeant &c. Quid sit? antiquus Clerus unanimi consensu Reipublicæ causam contra Pontificem probat, & de fide sua prolixè pollicetur: Recentiores verò Religiosi, quorum nempe Regulæ præsentis temporis conditioni accommodatæ sunt, Ducibus Jesuitis Reipublicæ causam damnant, stationemque suam deferunt: Quamvis Jesuita Magistratus edicto nominatim expulsi, & in æternum relegati perhibeantur.

Hoc autem Jesuita non aliam ob causam fecerunt, quàm quod viderent, se stante ac defensa Reipublicæ Venetæ libertate, stantibusque Legibus, nec stare, nec instituti sui finem obtinere posse. Quod ipsum sanè discrimen illud, quod inter Jesuitas & quoscunque alios Clericos constituimus, satis evidenter probat & confirmat. Vos ergo jam *Proceres*, quæso cogitate, quid de Polonia nostra futurum sit, si inter nos omnia illa removeri debeant, ut profectò illa remota cupiunt, per quæ in finis istius adeptione impediuntur? *Adhuc de fine.*

Videa-

*Videamus nunc Media* sive praxin, per quam ad scopum Praxis Jesuitica. illum perrumpere conantur, & hæc ex iis, quæ jam dicta sunt, facile intelliguntur. Hoc nimirum conjuncta opera fervidissimè agunt, ut primum Reges Europæos quotquot possunt unicuique Fœderi illigent: Cujus fœderis Principem & Directorem constituunt Hispaniarum Regem, aurei istius velleris Possessorem & custodem: ad cujus videlicet nutum reliqui se applicare cogantur, sub hac conditione, ut qui conatibus ejus quacunque ratione intercedit, aut quàm minimum adversatur, de hæresi suspectus sit, & prædicti Velleris periscelide indignus censeatur. Sed Regnorum Septentrionalium ea ferè est ratio, ut ad Legum præscriptum, non autem ad absolutum Regium arbitrium regantur. Ideoque Regiarum personarum confœderatio illis parùm prodesse poterit, nisi etiam subjecta Regibus regna in eandem unionis massam concludant. Atqui hoc opus, hic labor est: cum hæc eis infinita, ut jam dictum est, difficultates objiciantur, quocirca etiam opera illorum hæc præcipuè enitet, & omnium maximè conspicua est, Sic autem res suas hoc loco disponunt.

Primum omnium hæc sedulò curant, ut in Aulis se insinuent. Hunc enim nidum hoc genus Accipitrum sibi ubique præstruere, inque eodem ova sua deponere solent, priusquam ad venatum evolent. Jesuita etiam ibi peregrinus & exul sibi, immò Capite diminutus videretur, ubi ab aula arceretur.

I.  
Accipiter Jesuiticus non nisi in aula-  
rum pinnis  
nidificat.

Fixo hic pede, ulterius operam dant, ut clavum Reipublicæ in suam potestatem redigant, id est, ut vel Regi Reginæve ex suo Corpore confessarium, vel saltem hæredi Regio præceptorem dent: Aut si hoc non semper procedit, illis dominantur, quorum in Reipublicæ administratione præcipuæ partes sunt & vires. Utque horum affectus, cupiditates & designationes penitissimè cognita & perspecta habeant: quæ videlicet escà unusquisque alliciendus & captandus sit. Ad hoc autem felicius perficiendum Romana aula, quicquid autoritate, quicquid

II.



quid opibus, quicquid artibus & consilio valet & potest, Genti huic liberalissimè, ut jam dictum est, indulget. Aded ut Jesuitarum commendationes Romæ ad consequendas dignitates & præbendas plus valeant, quam potentissimorum Regum intercessionibus.

Quæ unica res, si cætera abessent, ad corrumpendas omnes, OMNES dico, Europæ aulas abundè sufficeret, sicut Eventus, prohi dolor, testatur. Quamvis hoc etiam tibi advertendum est, genio Jesuitico extra hoc quandam occultam à natura vim inesse, qua ingeniis aulicis imperat & dominatur.

Ut autem de occultioribus factionis hujus artibus, quas in prædictis Politiarum officinis exercent, nil dicam: Duo sibi ibidem potissimum paciscuntur, primum, ut ipsorum mellificatio ex hac Reipublicæ arce non impediatur. Utque deinceps adversariis suis nullum eò refugium pateat, illorumque querelæ, si quas eò deferrent, vel omnino negligantur, vel quoquo modo eludantur. De his duobus quamprimum Jesuitæ cautum est, ipse deinceps sibi ad reliqua perficienda sufficit.

III. Constructo & firmato hoc nido, pabulatores suos quaqua-  
Jesuitarum versum emittunt, suamque Venationem hac ferè ratione institu-  
Venatus. unt. Primum operam dant, ut in primariis Regni aut Provin-  
ciæ urbibus, Seminaria, Collegia, Tempia quàmplurima tan-  
quam instantis messis suæ horrea vel occupent vel extruant.  
Per hæc autem duo consequuntur, quæ eis ad finem suum, de  
quo diximus, valdè proficua existunt: Regnum primum uni-  
versum his ceu unguibus apprehendunt, & ita constringunt:  
ut ad suum nutum illud, quoties res ita postulat, cum singulis  
NB. partibus circumagere queant. Quod ut facilius consequantur,  
seminaria sua in prædictis urbibus ita plærunque construunt, ut  
suis ædificiis ipsa urbium mœnia complectantur, eademque sibi  
noctu diuque pervia faciant: ut in arcibus, quas Cracoviæ,  
Vilnæ, Calisii, Posnaniæ &c. habent, videre licet.

Nec

Nec ego Gentis nostræ supinam negligentiam & incuriam satis hæc admirari, aut pro rei indignitate sufficienter detesta-  
ri possum: Quodd ad hujusmodi periculosas & Reipublicæ præ-  
judiciales substructiones non solum connivemus: sed ad eas-  
dem materiam ceu propriis manibus congesimus: cum sic ex-  
stimem: Si Rex aliquis tale quid machinaretur, universam  
Rempublicam contra eum insurrecturam: Et his exterorum  
Venatorum indagatoribus in nostris nemoribus tantum licet?

Polonorum  
in fovendis  
Jesuitis præ-  
cipuum pec-  
catum.

Deinde eadem opera juventutem nostram, spem posteritatis ad suum cerebrum, dispositis & recoctis animis regnunt, & sic inter NOS Novi, & Jesuitici mundi sementem faciunt.

Dum autem intra Regni urbes hoc ii agunt, qui ad hæc donis idoneis sunt instructi, reliqui Concionibus popularibus & audiendarum Confessionum operosissimo simul & quæstuosissimo artificio pro virili student. Quarum artium effectus iterum duplex est. Plebem enim primariam, ut ille loquitur, hac ratione paulatim suam faciunt, factionique vires adjiciunt. Provisoribus deinceps, qui Camerae sive Ærario præsunt, viam ubique muniunt, ut in omnia publica & privata bona aditus eis patefiat.

IV.

Et hæc mihi latissima sermonis valva se aperiret, si aucupia illorum, quibus illi homines, mulierculas præsertim, circumveniunt, explicare vellem. Jesuitæ sagaces aucupes.

Cum verò instituti & occupationum mearum ratio mihi habenda sit, illud saltem præterire nolo, in quo etiam Sectæ hujus à reliquis Religiosorum Ordinibus differentia aliqua perspiciatur: Quod nempe Jesuitæ vulgaria ista munuscula, quæ vulgè in Religiosos erogari consueverunt, non curant, nec ea capiunt: Quod hoc eis sordidum, & reliquo Ordinis splendori minus conveniens videatur. Aquila enim currucam non captat. Et ipsi aliàs ut exercitati Practici benè nōrunt, Pecuniam

D



Propter pas-  
serem rete  
non attra-  
hant.

*cuniam in loco negligere maximum interdum lucrum esse.* Novique egomet simulationem hanc aliquando ed usque pro-  
cessisse, ut oblatum 50. aureorum Ungaricorum precium repu-  
diarint.

Hominum vero opulentorum testamentaria legata, & cum  
his integra prædia adeo non fastidiunt, ut potius exquisitissimo  
artificio illa aucupentur, ut Polonia, in hac etiam publica mo-  
rum corruptione vix quicquam simile experta sit. Hinc ergo  
istis pecuniæ neglectioribus, qui suam gratuitam operam nobis  
tam officiosè deferunt, illi regales inter nos Proventus, quo-  
rum præsidio se jam non solum animosè, sed etiam factiones  
inter nos alere incipiunt. Hoc etiam cum reliquis suis arcanis  
in Majore Polonia, Calissii: in Minore Cracoviæ: in Russia,  
Lublino: Vilmæ in Lithuania: Postovii in Masovia; & Bruns-  
bergæ in Borussia: deponere & custodire dicuntur. Hæc in-  
quam Imperii Jesuitici inter nos æraria publica sunt, & Char-  
tophyllacia, quæ si hoc tempore excuti deberent, Poloniam  
haud dubiè de status sui qualitate rectius instructura essent,  
quàm tot hæcenus tumultuosa scrutinia præstare potuerunt.

Et hæc de praxi Jesuitica.

Hæc itaque de primo designationis meæ Capite, de Politia  
nimirum instituti Jesuitici, pro lectoris instructione sufficiant.  
Ejus nunc erit cogitare, num fallatur qui Jesuitas Polonis Rei-  
que eorum publicæ vehementer formidandos & sedulo caven-  
dos censet. De narrationis autem meæ veritate, novi plaris-  
que melius quàm mihi ipsi constare.

Supereft nunc, ut quæ in genere de Sectæ Jesuiticæ natura  
& moribus proposita sunt, per particularia Exempla compro-  
bentur, adeò que demonstretur, quàm periculosa harum rerum  
praxis ordini Politico fuerit, quod secundum erat propositionis  
meæ caput; Hoc ipsum verò domestica & nostræ experientiæ  
documenta satis explicare possent & demonstrare. Spero ta-  
men

Praxis Jesui-  
tica ordini  
præcipue Po-  
litico fatalis,

men in exterorum Historia rem magis conspicuam fore, quod  
illorum casus extra factionum effectus positi, & sic ad instru-  
endum aptiores sint: Ideoque illorum exemplis immorabor, ita  
tamen ut nostratium non prorsus obliviscar.

Inter plurima verò documenta vix quicquam illustrius est  
eo, Quod Historia ultimi tumultus Galliæ suppeditat: ex quò  
nempe perspicitur, quantum Jesuitismi Genius contra statum  
Regium ad ejusque everfionem possit. *Res sic habet*, Regni  
Galliæ ea est conditio, ut à Prudentiæ Politicæ studiosis ferè  
pro optima Politicæ formæ allegetur. Et quamvis in eo nobis  
cum ipsis non per omnia conveniat, certum tamen est, eam fir-  
missimam esse: siquidem ad absolutæ Monarchiæ formam quàm  
proximè accedit, contra Tyrannidem tamen & seditionem iis  
legibus, eà Parlamentorem autoritate, illa denique sanguinis  
Regii reverentia corroboratum & firmatum est, ut his solis re-  
bus hæcenus invictum perstiterit.

Et quantum ad sanguinis Regii observantiam attinet, Gal-  
li vulgò aliquid præ reliquis Nationibus in hoc affectu putan-  
tur habere. Illorum sanè regia familia vetustior est, quàm ul-  
la Europæa. Contra hanc tamen firmisimam, ut Henrico III.  
haud dubiè videbatur, arcem, Jesuiticæ impressiois cuneus  
tantum valuit, ut quod in Galliis hæcenus inauditum erat, Re-  
ge in Ordinem redacto, Familiæ Regiæ autoritatem ita penitus  
prostraverint, ut & personam Regiam neci dediderint, & infen-  
sisimæ Gallis nationi, ad invadendum Regnum viam longè latè-  
que complanaverint. Et nisi peculiaris & penè miraculosa  
DEI providentia conatibus eorum tam evidenter obstitisset,  
rem ed deducuri videbantur, ut Galli prodictæ Regiæ familiæ,  
quæ inter eos annos plus quàm 600. tam altas radices egit, ut  
omnes ferè principales familias complexa sit, Gallici nominis  
perpetuum hostem & æmulum sibi Regem ascivissent. Ideoque  
sanè multò majori miraculo, quàm si nobis ante hac *Demetri-*  
*um suum Muscoviticum* obtrussissent.

NB.



Hæc autem ut magis perspicuum fiat, quomodo Instituti istius Genius erga statum Politicum sit affectus, ex tot illorum molitionibus, quibus Henricum illum subverterunt, unum saltem sed valde insigne illorum stratagema hæc producam, cujus hæc est ratio.

Sub initium prædicti tumultus, quæstio illa in Galliis agitari cæpit: *Num Pontifex R. Gallie populum à fidelitatis à Jesuitu in juramento, quo Regi suo obligatur, in casu hæreseos ab Gallia motu solvere possit?* Ex hoc oriebatur altera huic admodum affinis: *Num cuilibet privato liceat Tyrannum propria auctoritate occidere?*

Intelligis, opinor, cordate lector, quantum Regis, statusque Regii in horum Problematum decisione interfit. Et quid putas Apostolos dicturos fuisse, quando Hierosolymis primum Concilium sub præsidio Spiritus sancti celebrabant, si religiosus aliquis cum ejusmodi quæstione coram eis apparuisset? Neque tamen in Galliis controversiæ istæ novæ erant. Ad priorem enim ventilandam Pontificum olim cum Galliæ Regibus perpetua litigia perennem materiam suppeditarant.

Posterior verò ante annos plus minus 200. post eadem nempe Ludovici Aureliani, in Sorbonistarum Collegio publicè agitata & solenniter decisa erat. Utraque semper constantissimè fuit negata, adeo, ut posterioris assertio & assertor Johannes Pratus, nî fallor, in Concilio etiam Constantiensi ex æquo damnati fuerint.

Pro hac autem vice eadem quæstiones Galliam ad eum modum immutatam invenerunt, ut bona pars Cleri, & cum his totus *Jesuitarum Ordo* utriusque assertionem probaverint, revocata & annihilata Majorum suorum perpetua sententiâ: non aliter quàm si novus interea Mundus successisset.

Hujus

Hujus verò immutationis Jesuitas præcipuos autores extitisse, ipsa Sorbona post res sedatas publicè professæ est: Et Jesuitæ idem non obscurè agnoscunt, dum inter eas causas propter quas olim Pontificia Excommunicatio contra Galliæ Reges minus efficax fuerit, hanc nominatim exprimunt, *Quod Gallorum animi tum non sufficienter dispositi fuerint.* Hoc est, quod tam acres seditionum concitatores non habebant, quales hodie Jesuitici Concionatores sunt & Confessarii.

Jesuitarum in disponendis animis peculiare artificium.

Hæc igitur Jesuitarum decisio (non tamen absque DEO) Henrico necem attulit, & contra Parricidam absolvit, eumque Ehudo isti Israëlitarum liberatori æquiparavit. Quale nihil in ulla Christiani Orbis parte, inde à Religionis incunabulis auditum scriptumve est, aut lectum.

Ubi tamen, ut rei indignitas melius perspiciatur, diligenter notandum, Sectam hanc, Tyranni, ejus nempe quem ab unoquoque privato impunè occidi posse contendunt, definitionem sibi suæque discretionis reservasse: secundum quam is nobis pro hujusmodi mactationis pecude habendus est, qui quacunque ratione in Romani Pontificis indignationem incidit, & ex Jesuitarum sensu excommunicatur. Id quod idè hîc addendum fuit, quod in alterius quæstionis formatione, ab ipsis insidiosè additur: *In causa Hæreseos*, ut hoc nempe fucos, perfidiam suam in Magistratum supremum incrustent. Cum ex præcedentibus constat hæreticos illos esse, non qui pravas in Religione opiniones sedantur: sed qui Jesuitarum artes quocunque modo impediunt, aut ipsis non per omnia obsequuntur.

Tyrannus quis? secundum Jesuitas.

Jesuiticæ definitionis Hæreticus.

Sicut vel ex Venetorum exemplo intelligere possumus, quos hæc Secta per universam Italiam pro pestilentissimis hæreticis proclamare dicitur, idè saltem, quod latis seu potius renovatis Legibus, Jesuitarum cupiditati frenum injecerunt.

D 3

Et



Et quoddam fortè etiam (de quo mihi constat) Inquisitoria potestas libidinem intra nimis arctos carceres concluderunt.

De Henrico verò certum est, Eum dum vixit nullius uspiam erroris ab ullo Catholicorum insinulatum esse. Constat etiam Eum in Catholico-Romana communione usque ad extremum perstitisse. Furoris autem, quo eum persecuti sunt, hæc

Henrici III. vera causa fuit: *Quod sceptrum regium non ei tradere volebat, quem sibi hi socii tanquam idoneum molitionum suarum administrum Gallie Regem destinaverant.*

Magistratum pericula.

Nunc ergò Proceres iterum attendite, An non per hoc Jesuitarum decretum, omnium Europæorum Regum & quorumcunque Magistratum Politicorum mors & vita ab arbitrii Jesuitici horoscopo suspendantur? ut si his illis dextrè ascendat, illi vivant & valeant, sin minus pereant? Qua de re prædicta Venetorum calamitas, Regis Britanniae perpetua pericula, & illorum omnium metus, qui hunc ordinem sibi infestum sentiunt, abundè testantur.

Venetorum tamen exemplum præcipuè conspicuum est, quod Respublica illa, ut dixi, Romano Catholicam Religionem hæcenus, tanquam Imperii sui Palladium accuratè observet, & acerrimè tueatur.

Quæ exempla quoties expendo, toties exhorresco, cum videam, quàm facilè sub præsentis rerum statu inter nos simile quiddam in alterutram partem accidere possit, postquam imprimis sectæ Jesuiticæ, ad hujusmodi aliquem effectum, tam pertinaces & fervidi conatus ab aliquot jam annis inter nosprehenduntur. Eos sanè ad tale aliquid etiam inter nos audendum satis animatos esse, proximorum aliquot mensium experientia demonstravit:

Sed hæc fortasse aliquis dicere volet: Inter nos nihil ab hac

hac parte esse periculi, quod Jesuitis cum Rege nostro probè conveniat &c. Mallem hos dicere posse Regi nostro cum Regni ordinibus, & his cum Regia Majestate probè convenire. Hoc enim ad Reipublicæ salutem aliquantò utilius, & ad securitatem nostram firmiter & efficacius esset. Nunc autem hoc verè dici agnosco, neque tamen hoc ipsum sollicitudinis meæ causam tollit, sed eandem potius auget. Ecquis enim certò dicere poterit, quod hoc Regi nostro perpetuum futurum sit, ut Jesuitis tam propitiis utatur? Quid si is aliquando deprehensus illorum artibus, à quibus eum hæcenus plerique circumventum existimant, animum mutet, & potiorē Reipublicæ respectum habere incipiat. Ecquid tūc enim sperare juvabimus? An non tempus fuit in Galliis, quo Henricum III. ex Polonia redeuntem, Jesuitæ eo applausu excipiebant, ut laudum ejus præconio exsatiari nequirent discitantes; *Huic uni individuo omnes Constantinos & Carolos magnos, omnes Ludovicos &c. inclusos esse, Hunc fortissimum, felicissimum Christianissimum & invictissimum Christi athletam, Ecclesiæ Catholicæ Protectorem, Hæreticorum malleum & pavorem à DEO Galliis provisum?*

Regit vita & quæ ab hoc pendet regni fortuna Jesuitarum afflictui obnoxia. Henricus III. in Galliis priusquam displicere cepit, à Catholicis saltem non per altero Messia habitus.

Quid verò hæc omnia eum tandem juverunt? Cum hic projectæ assentationis affectus, paulò post ita in contrarium mutatus sit, ut eum non solum occidi curaverint, sed occisi cadaver, quantum in ipsis fuit, sepultura prohibuerint: ipsumque parricidam in Divorum Catalogum retulerint.

Sed esto, inter nos tale nihil metuendum sit in præsentia, quis verò noverit, qualis in posterum Regum rerumque nostrarum status futurus sit? Nostræ itaque matri ita consulemus, ut tam ambigua fructificationis semen scientes intra Reipublicæ viscera retineamus, tantà curâ foveamus, & ad posteros propagemus? Quis inquam sanus nobis suadebit, ut fortunas nostras tam ambigui eventus alex committamus? ut nempe Respubli-



Respublica non diutius salva sit, quàm quousque Regi Reive publicæ cum Jesuitis probè convenit? ut tum demum nobis securos esse liceat, quando nihil inter nos est, quòd Seditæ huic offensionis causam præbere possit.

Jesuitismi  
genius ipsis  
Legibus in-  
festus.

Dixi, quanta sit vis aculei Jesuitici contra Reges Statum-que regium, quoties hunc molitionibus suis obstare intelligunt. Hic autem Lectorem notare velim, ejusdem pestis non minorem efficaciam esse, in oppugnanda & expugnanda Republica atterendis que legibus, quoties nempe sentiunt, se ab his in instituta sua venatione impediri.

Et quod ad leges attinet, hæ Politicæ tineæ illas præcipuè arrodere consueverunt & exedere, quibus jus successionis in Regno continetur, Libertasque & pax publica firmatur.

Lex Salica in  
Galliis.

Qualem in Galliis præcipuè invenerunt illam Legem Salicam, Matriculam & fundamentum illius Regni, per quam stirpis regis mascula proles, exclusis fœmellis, ad regnum sola admittitur. Cujus legis vigore successio Regni post interfectum Henricum III. ad Henricum IV. Regem tùm Navarræ devolvebatur.

Quod ipsum, cùm Seditæ Jesuiticæ suum interitum interpretaretur, tantum efficere potuit, ut Galli hoc Reipublicæ suæ fundamentum ipsimet subruere conarentur, ascitâ contra hanc Legem Philippi II. Hispaniarum Regis filia, quam ex Henrico II. Galliarum regis filia susceperat, in regni sui hæredem, operis totius promotoribus & internunciis Jesuitis. Quod autem Gallis Lex Salica præstat, hoc Polonia adhuc Regum juramenta conferunt, per quæ hætenus Reipublicæ liberæ electionis jus conservatur.

Quàm periculose verò hoc etiam libertatis nostræ fulci-  
mentum

mentum ab his tineis arrosus sit, egomet dicere nolo, nec publicè ipsemet divulgabo.

Ejusdem virtutis illustre specimen coram oculis nostris in vicina Hungaria, Austria, Styria, Carinthia &c. ediderunt. Eo nimirum successu ut obtritis legibus, quibus prædictarum Nationum & Provinciarum Libertas nitebatur, partem earum penitus oppresserint, partem ad extremam desperationem adegerint.

Hoc quidem rumor publicus hætenus constanter affirmat, in prædictis Provinciis alicubi illustribus, & antiquissimæ nobilitatis familiis publicè diem dictum esse, intra quem se aut coram Jesuitarum Tribunali sistant, aut relictis patriis sedibus aliò migrent; quæ res fœderi isti malè vertat.

Homines nobiles sedibus pelluntur, quod Jesuitis geniculari nolunt.

Hic ergo jam quæro Procures, si res fortè in eum casum deveniat, ut Regiam Majestatem Jesuitæ inter nos, vel nunc vel posteris temporibus, ut eandem contra Rempublicam contra Leges & libertates nostras incitent; Ut quando hætenus coram moderna Regia, pacem religionis unicum illud furoris Jesuitici repagulum, ita traducunt, ut eam Tartaricam & Mahometicam perfidiam nuncupent, quam Regia Majestas citra æternæ salutis suæ jacturam nec approbare possit, nedum ut eandem tueri debeat &c. quam inquam Vos mihi spem dabitis?

Pacem religionis Jesuitæ ut Canes lapidem projectum admordent.

Novi tamen, quid etiam hîc nonnulli excipiant, non esse videlicet tantopere admirandum, si confœderatio illa fortassis non omnibus probetur, sub qua nimirum tot abominandæ sectæ quotannis inter nos suppullulent &c.

Age itaque cedamus eis ad tempus (quod tamen citra Reipublicæ præjudicium fiat) hoc jure: quid verò ad illud mihi respondebunt, quod in proximis Comitibus Warfaviæ Dominica



Misericordias Domini Anno 1606. ex Petri Skargæ ore audivimus, quando is converso sermone ad Regem sic alloquebatur: *Eheu Rex, quorsum jam nobis res tua intempestiva conniventia reciderunt? Reges olim Poloniae de rebus ad Rempublicam spectantibus cum solis Senatoribus deliberabant, Nunciorum istorum terrestrium, quos vocant, nulle in hisce rebus partes erant, ut qui non ita dudum introducti sunt. Nunc verò tuâ & quorundam Majorum tuorum socordia res eò, proh dolor, deducta est, ut quàm primum feroculus aliquis Domicellus, qui se pro Nuncio forte terrestri gerit, votum suum proponit, omnes ei protinus assurgere conantur. &c. Tuum tuum erat ô Rex, ejusmodi perversas, quæ contra antiquos mores inoleverunt, consuetudines cohibere. &c. Ubi etiam manibus ceu nutu indicavit, quid fieri velit: Summa nimirum papavera demetienda esse.*

Hinc igitur Tubicinis istius Aulici tenorem, si reliqui tribules ita persequerentur, ut profectò eum strenuè persequuntur, ut ad consiliorum istorum executionem operam vel vires Regi aliquando in auxilium offerant, Ecquid de nobis, deque nostra hæcenus illibata libertate futurum censetur? Disputatur hæcenus inter nos ab annis 50. & circiter, de legum Polonicarum autoritate contra Pontificum Decretales, quæ civis Poloni caput & fortunas, in casu Hæreseos, ut loquuntur, absoluto Episcoporum arbitrio, contra expressas libertates nostras subjiciunt, Regique nullas alias in judicio quam Ministeriales executiones partes relinquunt.

Disceptatur etiam hodie inter nos de modo potestatis Regiæ, itemque de Reipublicæ in Rebus ad salutem Regni spectantibus autoritate. De his autem Controversiis, quod Jesuitæ sentiant, non est obscurum: Regi enim Regiæque Majestati, quamdiu in conatibus ipsorum promovendis constanter perget, tantum adjectum cupient, quantum Henrico III. olim, & ejusdem

dem successori Henrico IV. propter oppositam rationem detraxerunt. Quomodo verò vice versa in Rempublicam animati sint, Petrus Skarga jam nos docuit. Et vos adhuc dormire vultis?

Ex his ergò omniibus perspicitur, Jesuitas illos esse qui diffidentiam inter Regni hujus subditos & supremum Magistratum serunt, foveant, augent, exasperant, dum Regiam Majestatem Nobilitati, Nobilitatem Regi suspectam efficiunt, & sic Principem eò deducunt, ut omisso fidelium subditorum respectu, extera amicitiae præsidia circumspiciat. Idem verò illorum studium est circa statuum illorum disfidium, quod hæcenus ceu in cineribus sopitum jacuit, quod tamen illi subinde fodiant, dum Prælatorum animos sollicitando, hos spe, illos metu incitare non desinunt. Illas autem populares factiones, quibus Ordo equestris periculosissimè hoc tempore distrahitur, eccui alii, quàm Jesuitis acceptas feremus? qui primum universum hunc Ordinem generaliter in Hæreticos, quibus nulum in Regno nisi precarium jus concedunt, In Politicos, quos his aliquanto peiores statuunt, & syncerè Catholicos sibi que fideles tripartito discerpunt. Et inter hos ipsos deinceps privatas simultates & disfidia serunt & alunt. Ex quo inter infinita mala etiam illud consequitur, ut Princeps, ne quidem si velit, præcipuum aliquem Nobilitatis respectum habere queat, ut in cujus dissolutis scopis parùm autoritatis & præsidii sibi repositum nòrit.

Hæc igitur etsi palam inter nos prædicentur, ita ut animi affectus citra ruborem ipsimet in publicum prodant, sunt tamen qui Jesuitarum inter nos patrocinium suscipiant, & omnia sedulò conquirunt, quibus hæc sub aliqua probabilitatis specie, vel prorsus negari vel saltem palliari & excusari quomodo posse confidunt.

Jesuitarum  
nequitia ubi-  
que applau-  
sores invenit.

His igitur deinceps nonnulla respondenda sunt, nam hoc



tertium nobis designationis nostræ caput constitutum fuisse me-  
mini. Qui itaque Jesuitas omnium fervidissime propugnant,  
primo loco Catholicam religionem allegare consueverunt, à  
cujus interitu sibi metuunt, si in Jesuitas gravius aliquid de-  
beret statui. Estque hic defensionis Jesuiticæ longè splendidis-  
simus & maximè plausibilis prætextus, ad quem congeruntur  
Ordinis istius res gestæ. Barbarorum nempe infidelium sub  
utroque Mundi axe, sicut & hæreticorum in hisce partibus plu-  
rimorum felicissima conversio. Quibus ante hac inter nos  
adiecti sunt, divini & miraculosi illi sectæ istius successus in  
Moscovia & augusta spes, quam ex illo tractu, & nobis & Ro-  
manæ Ecclesiæ ostendant &c.

Ipsi etiam Jesuitæ, ut hic foro utantur, videri volunt, eos  
qui illorum ejectionem & ex Aula remotionem suadent, id ma-  
litosè agere, ut abactis Canibus ab ovili, oves Luporum savi-  
tæ prostituant.

Religionis  
Romano-Ca-  
tholicæ con-  
servatio &  
propagatio.

Adhæc igitur quid dicimus? Hæc nempe primo hîc ad-  
mirari cogor, quibus rationibus sibi persuaderi patiantur Ca-  
tholicam Religionem citra Jesuitarum operam in Polonia con-  
sistere non posse, ii qui credunt Romano Catholicam Religio-  
nem, qualis illa nunc est, paulò minus quàm Mille quingentos  
annos per Orbem durasse, antequam Ignatius Lojola in terris  
natus est, ita videlicet, ut in nostra quoque Polonia tot cente-  
nos annos egregiè floruerit? Deinde dico Christum & Apo-  
stolos ab initio non solùm religionis propagationi, sed etiam  
æternæ ejus conservationi, per sufficientia media abundè pro-  
spexisse: Ut Ecclesiæ quam diu in veritatis tramite simpliciter  
incedit, nullis novis & extraordinariis mediis opus sit.

Qui putant  
Religionem  
citra Jesuita-  
rum operam  
consistere  
non posse, or-

Hi autem non Jesuitas, quos quidem ego sciam, sed Epi-  
scopos, Præsbyteros, Doctores, Pastores, Diaconos &c. ordi-  
narunt. Istorum verò officiorum cum non solùm nomina sed  
etiam personæ inter nos supersint, quibus illorum cura deman-  
data

data est, quis dubitet, quin hi, dummodò officium faciant, re-  
ligionem sint rectè curaturi, ut maximè Jesuitæ in Polonia nul-  
li sint:

dinarium  
Clerum pu-  
dendæ igna-  
viæ arguunt,

Quod si autem Jesuitæ canum illà valde ambiguâ appella-  
tione delectantur, ut sibi solis eam vendicent, viderique ve-  
lint, citra ipsorum vigilem curam Dominicum ovile omni præ-  
sidio destitui, indicari mihi velim, quid de reliquo Ordinario  
Clerosentiant? Nùm eos fortè pro vulpibus haberi velint.

Tertio ulterius sic dico Religionis curam & propagationem  
Jesuiticæ designationis minimam partem esse, quam nimirum  
ipsi amplius non curant, quàm quatenus prætextus illius eis ad  
principaliorem Instituti sui finem, de quo dictum est, viam mu-  
nit. Id quod vel hinc apparet, quod inter eos partes docendi  
in Ecclesia inferioribus ferè committuntur, ut primicerii istius  
Ordinis, & qui ingenio præstant, illis quas diximus, sublimio-  
ribus artibus in Aulis liberius vacare queant.

Jesuitæ reli-  
gionis præ-  
textu pro il-  
lice utuntur.

Quartò experientia testatur, quod etiam virorum doctis-  
simorum, quos vel Jesuitæ ipsi pro Catholicis coguntur agnoscere,  
calculo confirmatur, Jesuitas Religioni Romano Catholicæ intra  
Europam magis obstitisse, quàm ut eandem promoverint. De  
quo aliquot inter nos præstantissimorum Virorum, ex ipso etiam  
Ecclesiastico Ordine, quærimoniae me non semel audire memini.

Hoc ipsum verò cum multis prorsus incredibile videatur,  
his illud rationibus ulterius declaro: Primum omnes in uni-  
versum Catholicos in eo mecum consentire opinor, quod ibi  
demum Romano Catholica Religio crescat & floreat, ubi Con-  
cillii Tridentini Canones & Decreta acceptantur, & juxta eos-  
dem creditur & vivitur. Ibi nempe institutæ reformationis  
negocium, de quo supra dictum est, plenè succedit, in quo  
nempe Ecclesiæ Catholicæ salus hodie reponitur. Sed experi-  
entia



entia perspicuè testatur, Concilii istius executioni vix quicquam hætenus fortius obstitisse, ejusdemque Decreta nationibus suspecta & exosa reddidisse, quàm Jesuitarum prácticas & seditiosum fervorem, quibus modestissimum quemque inter ipsos etiam Catholicos offenderunt, & omnia turbarunt.

Calamitatis  
in Anglia Catho-  
licorum  
immediati  
autores Je-  
suitæ.

Deinde negari non potest solius Jesuiticæ bilis præservido æstui imputandum esse, quod Romano Catholica Religio hodiè in amplissimo Britannia Majoris Regno tanto studio premitur & opprimitur, & nunc etiam post exactos Jesuitas Catholici Sacerdotum secularium usu penitus priventur, & sic Regis clementissimi beneficio gaudere nequeant. Eandem calamitatem iidem Catholici non ante annos adeò multos, in Scotia Jesuitarum culpa perpesi sunt. Cum enim illorum nonnulli in Regno Scotiæ conjurationis cujusdam, quæ contra Regem ibidem à Paulo Crichtonio Jesuita in Hispania instituta erat, tabulas hinc inde inter Romanæ Confessionis homines clanculum circumferrent, quibus illi subscribere debebant: Re proditâ, ex primaria Scotiæ Nobilitate complures, qui hætenus ceu columnæ religionis Romano Catholicæ in prædicto regno fuerant, extremum vitæ fortunarumque omnium discrimen adierunt. Sed & reliqui Catholici omnes, cum ipsa Religione, cui Rex antehac non admodum adversari videbatur, in justissimum Regis odium incurrerunt: Ea ratione ut in hunc usque diem miseri illi facinoris Jesuitici pœnas luere cogantur.

Et quid aliud Hungaros & Transylvanos non ita dudum ad eum modum exacerbavit, ut unâ cum Jesuitis, omnes Catholicos Sacerdotes, quos nancisci potuerunt, malè tractatos, ex finibus suis expulerint, quàm importunus ille Jesuitarum fervor? Dum hi supremi Magistratus autoritate & favore freti, reliquias libertatis prædictarum provinciarum tanto impetu invadunt, ut incolæ, qui hætenus omnia pertulerant, has ultimas Jesuitarum injurias perferre nequiverint, & extrema  
potius

potius remedia arripuerint. Ad quod eos haud dubiè vicinarum provinciarum perspecta calamitas animabat. Quin etiam de Polonia dubium nullum est, quin & inter nos aliquando rebus turbatis Catholicæ Religioni magnum aliquod infortunium sint conflaturi: Siquidem diutius inter nos conversari debeant. Cujus rei hæc abundantissima causa jam nunc præstò est, quod hic livor illâ, quæ nobis tantopere commendatur, docendi facultate non contentus machinationibus suis publicam Magistratus autoritatem prætendit. Quæ res ut fortè plebeculam territat, ita cordatiores quoque vehementer offendit, studia eorum suspecta facit, & quod iniquissimum est, Magistratum sicut & ipsum Clerum publico odio exponit, ejusdemque autoritatem subditis contemptibilem reddit. Hæc igitur Catholicæ Religionis damna si cum profectibus comparentur, quos Jesuitæ intra Europam in ejusdem propagatione fecerunt, tantum fortassis vix superfuturum est, ut gloriabundæ illorum jactantiæ respondeat.

Veruntamen ut hujus etiam infortunii culpam eis condonemus, si doctrinam Jesuiticam per se & extra hos excessus æstimemus, in eadem nihil, quod tanto præconio dignum sit, deprehenditur. Religio enim vel voce, vel honesta vitæ conversatione, vel scriptis propagatur & defenditur.

In concionibus ut plurimum Jesuitæ subtiles, disertis, & in Jesuitæ quales Concionatores. concitandis affectibus acres, vehementes & impetuosos esse consueverunt: ut imbecilles & incautos animos movere & percellere possint. Hasce autem qualescunque dotes, quæ in syn-cera Pietatis schola non perinde æstimandæ sunt, corrumpit & cordatioribus suspectas facit primum Elocutionis five actionis (hanc quidam hypocrisin vocari dicunt) gesticulatoria levitas, nimiumque facundi sermonis studium: Et, qui sub hoc prælu-cet, ardentissimæ ambitionis affectus. Quorum utrumque ne-scio quid fucatum & non Apostolicum sapit.

Deinde



Deinde deformat eos ista inexhausta calumniandi & conviciandi libido, qua plerumque in adversarios debacchantur. Idque tantum ut plebis animos incendant atque exasperent: Cum interim adversarios, quos lucrari debebant, indurent. Me quidem hæc ita offendunt, ut vilissimi pagi Parochum interdum concionantem audire malim, quam, qui in universa Polonia inveniri queat, disertissimum Jesuitam.

Disciplina  
Confessionaria.

Ad confessionarium artificium quod attinet, non inficias eo, hoc venationis Jesuiticæ præcipuum instrumentum & perquam commodum rete esse. Neque tamen hoc ipsum tam cautè hætenus disponere potuerunt, ut illa omnium arcanorum perscrutatio, peccatorumque interdum non pudicum examen, cum satisfactionis illà infidiosâ multoties etiam avarâ impositione non plurimos offenderit, & à Catholicâ communione ita repulerit, ut ab eadem propter ipsos præcipuè Jesuitas penitus abhorreant. Sentit hoc jam in vicina nobis Moravia Præsul Olmucensis, sub cujus nomine Jesuitæ libellum quendam ibidem typis excusum ediderant, in quo pro Confitentium instructione Cathalogus peccatorum cum discretione venalium & mortalium recensetur, secundum distincta vitæ communis officia: Quando ejus libelli abominandâ spurcitie (ab amicis propterea admonitus) post aliquantò diligentius perpensâ, pudore victus eundem, ut Christianæ confessionis minimè ferendum, omnique luce indignum opprobrium, precio plusquam decuplo passim redimere & penitus suppressere conatus.

Quantum ad vitæ conversationem, eam quidem hætenus ita instituerunt, ut nimis conspicua illa vitiorum ulcera, quibus Clerus antehac turpiter deformatus, Laicisque exosus redditus fuit, studiosè vitarint. Neque tamen in hoc etiam proposito tam constantes aut circumspecti fuerunt, ut non in opposito arboris scientiæ boni & mali fructus se in iisdem proderent. Dum enim ab una parte miraculosam quandam vitæ continentiam,

Angeli-

Angelicam castitatem, Religiosæque pietatis devotum studium ostentant: ab altera partæ profundæ avaritiæ tam dira lues, & circumveniendarum Nobilium familiarum, Viduarumque & Orphanorum decipiendorum tam callidum artificiumprehenditur, ut hoc ipsum prudentioribus, in hominibus tam religiosis summæ admirationi fuerit. Ut interim superiorum Jesuitarum artium intadum Chorum hæc relinquam, de quibus tam multa jam dicta fuerunt.

Restat scriptio Jesuitica, in qua ferè summus Instituti hujus excellentiæ gradus constituitur, nec id prorsus vanum censeri debet. Negari enim non potest, dictionis Jesuiticæ characterem per se tersum & argutum, Orationem autem, si artificium spectes, floridam & nervosam esse. Quæ scriptionis virtutes ad illestandam & capiendam Juventutem non exiguam vim habent, quæ etiam Jesuitas, harum præcipuè rerum admiratione, suscipere & sectari solet. Qui verò serio pietatis studio afficiuntur, hæc tanto minus curant, quantum in hisce rebus nimia Jesuitarum affectatio evidentior est: non aliter quam si omnibus veteribus & recentioribus Sophistis, aut ipsis etiam triobolaribus rabulis palmam vellet præripere. Veritatis autem sermo simplex est & esse debet: Imprimis autem Christianæ religionis tractatio hujusmodi fucata & colorata orationis lenocinia averfatur & rejicit, tanquam corruptarum & prurientium aurium non satis castum delinimentum.

Prudentissimi denique, quique incorruptissimè judicant, sic sentiunt: Jesuitas suis hætenus argutis & concitatis scriptis eatenus saltem profecisse, ut Catholicos suos inflammatos concitaverint, Partem verò Adversariam acuerint & obsfirmaverint. Ut sic bellum illud religiosum, quo ceu Causone quodam Europa adhuc amburitur, tantò periculosius exarserit, quemadmodum nostris ipsimet oculis cernimus.

F

Quod

Scriptio Je-  
suitica.



Quod autem de Barbarorum in utraque India conversione pro Jesuitis adducitur, illud ex iis locis petatum est, ex quibus aliquis non solum verum dicere, sed etiam securè mentiri possit: In Polonia præsertim & in illa explorationis difficultate, postquam Castilienses & Lusitani nullum extraneum in illas regiones admittunt: Ideoque his nihil aliud quàm vulgatum illud respondeo: *En Rhodus. En saltus.*

Jesuitarum  
aurea & ar-  
gentea argu-  
menta.

De hæreticorum in his terris conversione rem non prorsus nego, ut de qua oculorum aspectus testetur. Opus tamen ipsum non tam doctrinæ Jesuiticæ extraordinariæ virtuti, quam argumentorum aureorum & argenteorum ponderi ascribendum censeo, quibus ferè utuntur, quorumque perennem copiam eis Ecclesiæ Romanæ favor, Aulaque Polonicæ jucundus calor sufficit: Inter quæ tamen hæc inter nos quandoque vitrea concurrunt, pro quibus alibi in vicinia ferrea substituunt. Quod genus Conversionis Paulus Apostolus haud dubiè Ever-  
sionem seu potius Corruptionem dixisset.

Ad rerum Muscoviticarum successus quod attinet, illi re-  
vera nobis hætenus non citra fastum ostentati sunt: quorum etiam præcox spes gentem Jesuiticam ad eum modum inflavit, ut omnia sibi deinceps contra Clerum, Nobilitatem & quos-  
cunque alios licere putaret. Qualia verò nunc ex iis locis per repetitos nuncios afferantur, nemini hodie ignotum esse arbi-  
tror. Jesuitas tamen videmus & audimus omni narrationi acerrimè contradicere, quod ipsum indicio est, rem ipsorum ibi actam esse, & adhuc agi, ut quicumque tandem eventus (utinam bonus) secuturus sit, non aliis principaliter eum quàm ipsismet imputare possimus. Quale autem meum ab initio, quamprimum consiliorum istorum aliquid in vulgus emanavit, de molitionibus illis iudicium fuerit, multis magni nominis Vi-  
ris, quibus cum sermonem ea de re contuli, notum esse scio. Ipsi nempe causæ in genere melius fundamentum optabam.

*Deinde*

*Deinde* rem per se periculi plenam esse apertè profitebar. *Horatianum illud* de conatibus hisce subinde usurpans

*& arma*

*Nondum expiatis unda cruoribus  
Periculosum plenum opus aleæ  
Tractas & incedis per ignes  
Suppositos cineri doloso.*

Denique sic præ me semper tuli, si Jesuitæ negotio huic se immiscerent, nullum ejus bonum eventum expectandum, hos enim omnia turbaturos. Et si res felicissimè cadat, Imperium illud ab ipsis perturbatum, & motibus intestinis repletum iri, qui nobis fortassis tempore non æquisimo negotium faceffere possent, quemadmodum in Suecia nobis non ita dudum accidit. Quàm verus autem aut falsus in his omnibus fuerim, utcunque rei istius famâ hætenus studiosè tamen supprimatur, ipsum tempus aliquando revelabit. Audio nunc quosdam musitantes Patres Societatis Jesu in ipsam etiam Persiam penetrasse, & nescio quem insperatum Regis istius favorem experiri. Quod si verum est, nemo ambigat, quin hoc etiam Imperium, per quod hætenus Othomanidis à tergo securis injicitur, turbaturi & factionibus reple-  
turi sint, ut Turcis hac ratione respirandi sui que colligendi spacium præbeant.

Religionis conservatrici propagationi subjungitur *Instituenda Juventutis nescio quod occultum & exoticum artificium.* Propter quod Respublica (si utique Ecclesia jactu-  
ram hanc negligere possit) Jesuitarum operâ carere nullo mo-  
do queat: Et hic prætextus superioribus æstimationis pon-  
dere non multum cedit, cujus tamen Vanitatem Viri in omni  
disciplinarum genere exercitatisimi, qui Romano-Catholicam  
religionem publicè profitentur & defendunt, jam dudum Orbi  
demonstrarunt: Rationibus firmis evidenter ostenden-  
tes,

Jesuitæ Ju-  
ventutis in-  
stituendæ ar-  
tificiosissimi  
Magistri.



tes, Jesuitas primum & Jesuitarum institutum bonis literis & earum reforescenti splendori plus officisse, quam ut easdem promoverint; Ostendentes insuper disciplinam Jesuiticam meram corruptelam esse ingeniorum: quorum videlicet aciem retundat, & pro eo, quod illa liberali institutione informare & excitare debebat, quendam eis potius stuporem inducat. Etsi autem probè sciam quàm hoc etiam multis prorsus incredibile videatur, ego tamen aliquot hic præstantissimorum Virorum testimonia proferre possem, eorum inquam, quorum nonnulli in præcipuis hodie Reipublicæ officiis versantur. Quos non semel conquerentes audiui, se coactos esse Jesuiticæ institutionis vitia aut peregrinando corrigere, aut eadem, postquam jam ad Rempublicam animum applicaverunt, ipso rerum usu dediscere. Quorum judicio experientia ipsa adstipulatur, cum constet inter ipsos hæreticos, quos hæc secta nempe à nobis pro talibus tractari & haberi vult, Viros inveniri in omni disciplinarum genere exercitatos, qui ad omnia Reipublicæ munia obeunda idonei essent, nisi invidia eos premeret: Etsi Jesuitica Institutione nullo unquam tempore usu sint. Quomodocunque tamen hæc se habeant, illud apud me fixum manet, si quæ Jesuitis hac in parte ab aliquibus tribuuntur omnia verissima essent, & ipsi in Poloniam nostram alteras Athenas importassent, illud tamen minus vile precium esse æstimandum, pro patria libertate, quam pro hac operâ licitantur; Cum præsertim eruditæ doctrinæ fructus aliunde non minus commodè quàm à Jesuitis habere possimus.

Jesuitæ actuales.

His tertio loco à nonnullis subjungitur: *Jesuitas homines esse actuales, quorum in rebus arduis expediendis magna sit dexteritas, eximia fides &c.* Multis hoc in ore est, qui pro Jesuitis nituntur, quos equidem admirari soleo, si quidem sub hac Actualitate, ut eandem quam mollissimè interpretantur, aliud nihil quàm civilem quandam industriam in expediendis negotiis poterimus intelligere, qualis scilicet in Aulicis ministe-

ministeriis præcipuè requiritur. Sed Jesuitæ hætenus nihil minus videri volunt, quàm quod secularibus negotiis se immisceant, aut eorundem tractandorum periti sint. Ideoque eos, qui tale quid de se spargunt aut credunt, vel pro apertis Hæreticis vel Pseudo-Catholicis haberi jubent. Itaque videant qui eos hoc nomine tantopere commendant, ut eos propterea retinendos censeant, qua ratione hæc inter se concilient.

Ego interim Poloniæ milites potius & Aulicos, mihi verò Servitores Actuales, Ecclesiæ autem Monachos & Religiosos, pios, doctos, & devotos opto. Veruntamen, si, quod res est, fateri volumus Epitheton hoc Jesuitis nimis verè competit, de quo totus Orbis, inprimis tamen Europa aded luculenter testatur; Et nos etiam hætenus Actualitatem eorum ita sumus experti, ut si inter nos ad hunc modum diu pergere debeant, de illis Comicum illud rectè usurpaturi simus: *Quod si annuntiantur, ex unis nuptiis geminas nobis effecturi sint*, duplicato nimirum, quo in præsentia urgemur, infortunio.

Sed quid putabimus Augustinum reliquosque istorum temporum Patres de ejusmodi Actualibus Monachis fuisse dicturos? Aut quis etiam in secularibus negotiis tam demens fuit, ut in servo nequam veteratoriam calliditatem laudaret, aut exploratoris exteri solertiam ita commendaret, ut eum propterea sibi fovendum existimasset? *Vos igitur Proceres* hic scire velim, ingenio præstante & versatili nihil perniciosius esse, si vires suas ad res malas applicet. Ideoque hanc ipsam Jesuitarum Actualitatem egomet inter justissimas metus nostri causas refero, quæ nobis veterum excutere, nosque ad seriam rerum nostratium curam excitare debent.

Notate bene istam Jesuitarum actualitatem.

Illud autem quod de expediendi dexteritate adjicitur, testimonio destituitur. Quid enim egregii natio hæc inter nos præstitit, quidve tam dextrè expedit, aut quod potius bo-

NB. NB. Jesuitarum in rebus-



bandis (ex-num non impedit? Nisi fortè amissam Sueciam, devasta-  
pediendis tam Livoniam, afflictam Galliam, tentatam Scotiam, Anglicas  
dicecere vo- conspirationes, & tot nobilium hominum tragicum interitum,  
lebam) dex- Venetianas practicas, Moscoviticas turbas, perturbatam Unga-  
teritas. riam, oppressam Styriam, Carynthiam, Carniolam, & quæ ha-  
ctenus in Polonia ediderunt aulica Progymnasmata, pro Jesui-  
tica dexteritatis operibus nobis sint habenda? At res qui-  
dem arduas aggrediendas & invadendas satis adhuc audax est  
hæc secta; audaciæ verò illius eventus is hætenus ubique se-  
quitur, ut turbæ maximæ ab illis excitentur: tales nimirum  
quales citra infiniti ferè sanguinis effusionem adhuc nec sisti nec  
sedari potuerunt. Quem igitur hæc agendi dexteritas dele-  
ctat, is videat & provideat, ne quid Respublica Jesuitica de-  
trimenti in Polonia capiat.

Nec id quod de illorum eximia fide prædicatur, cer-  
tioris fidei est: Quod tamen illis fortè persuaderi poterit, qui  
vel Jesuitarum arcanas designationes prorsus ignorant, vel qui-  
bus illi alias os ita oblinunt, ut propter certas causas ad eo-  
rum palatum omnia dicant & faciant: Quod si tamen aliquis  
Jesuitica si- fidei Jesuiticam verbis extollere velit, dico eam, quanta quan-  
des Polonia fidei Jesuiticam verbis extollere velit, dico eam, quanta quan-  
inutilis. ta est, totam exteris & citra ullum boni Polonici respectum,  
addictam esse, & arctissimè obligatam: Hujusmodi inquam  
exteris, qui etsi corpore à nobis absunt, Consiliis tamen & oc-  
cultis machinationibus nimium interdum inter nos familiariter  
conversantur. Cum his ergo si nobis fortè aliqua controversia  
incidat, ecquid illi nobis de Jesuitarum fide polliceri pote-  
runt? An non verò in Galliis, Anglia, Scotia, Ungaria, Ve-  
netiis, satis jam conspicua fidelitatis suæ documenta in publi-  
cum ediderunt, si ad nostratia utique cœcutimus? Et quid  
in re manifestè verbis opus est, cum nulla hodiè Europæ Chri-  
stianæ natio sit, quæ non de Jesuitarum perfidiâ, aut saltem per-  
fidiæ suggestionem & excusationem conqueratur, si unam Hispa-  
niam excipias.

His

His denique à nonnullis additur: *Inconveniens esse, ut  
Jesuitas Poloni expellant, cum Galli, qui propter longè  
graviores causas eos ejecerant, eosdem revocaverint, ubi  
etiam citra ullum Reipublicæ incommodum vivant &c.*

Ego verò novi Jesuitas in Galliam reverbos esse, sed quod Gallia Jesui-  
tà Gallis revocati fuerint, ne ipsi quidem, quamvis multa di-  
tas recepit-  
cant, facile dicturi sunt. Interim verò artes, quibus se in Gal-  
liis denud insinuarunt, tales sunt, ut propter illas ipsas ejectio-  
nem eorum inter nos maturandam existimem. Ex illis enim  
liquidissimè perspicitur, quantum hic genius intra Europam,  
in versando & circumagendo rerum Civilium cardine polleat.  
Hoc enim sciendum, Jesuitas in Galliam non propter aliquem  
eorum usum, quo Regnum illud carere non posset, receptos  
esse: sed ad vehementissimam summi Pontificis instantiam:  
Quem videlicet Rex in tam infida cum vicino potentissimo  
pace offensum nolebat: Cui tamen serium Catholicismi studium  
vix probaturus erat, quamdiu Jesuitas Regno arceret. In-  
terea ne illud quidem dubium est, Eos, qui summo Pontifici  
in illa restitutione promovenda operam suam apud Regem præ-  
stiterunt, majora Romæ præmia consecuturos esse, quam o-  
mnes, quicunque hætenus Reipublicæ militarunt: Quamvis  
non desint qui existiment Henricum IV. hac etiam ratione  
securitati suæ consulere voluisse, quod aliàs à Jesuitarum ejecto-  
rum insidiis nunquam tutus esset futurus. Quod autem hæte-  
nus pacatè dicuntur vivere, id si verum est, admirationem  
meretur; quantumvis causas gravissimas habeant, cur se in  
tàm recenti anteaكتورum memoria ad tempus cohibeant, sub  
illius præsertim Regis imperio cujus autoritatem, quam sibi  
rebus gestis comparavit, non immeritò verentur & metuunt.  
Quid autem futurum sit, si præsentis rerum Gallicarum capiti  
aliquid humani accideret, rerumque administratio, ut antehac  
factum meminimus, ad minorennes hæredes devolveretur, fa-  
cilè erit divinare; cum verendum sit, Galliam tùm com-  
missi

Jesuitæ cur  
in Gallia pa-  
catè vivant.



missi in recipiendis Jesuitis erroris effectum cum suo magno malo sensuram. Nos vero hactenus causa nulla per DEI gratiam urget, ut Gallorum similes facti, tam ambigui jactus aleam subeamus.

Hæc ferè pro Jesuitis ab iis afferuntur, qui persuasi sunt nec Rempublicam nec Ecclesiam gentis istius operâ commodè carere posse. Præter quos etiam alii sunt, qui etsi Jesuitarum acta omnium miminè probent, in eosdem tamen nil gravius statui patiuntur, quod hoc citra maxima Reipublicæ incommoda ne tentari quidem posse existiment.

Jesuitarum  
religiosæ  
modestiae  
parum fi-  
dendum.

Itane *Fratres* res nobis jam ed redierit, ut aut Jesuitæ & Jesuitismus tolerandi, omnesque illorum machinationes cum tam præsentis Reipublicæ periculo perpetiendæ sint, aut extremum rerum discrimen adeundum? Ubi ergò tunc manebunt illa Ordinis istius elogia, quibus ab initio nobis commendati sunt? Quod homines sint innocentissimi, pacifici, quod spiritualibus contemplationibus toti addicti, in quibus Poloni hujusmodi prorsus Clericos habituri sint, quales jam dudum desideraverint? Ab his ergò talibus ecquid nobis timendum erit?

Ego tamen jam dudum novi, Bilem hanc citra molestim ex Reipublicæ corpore nunquam evacuatum iri, postquam jam nostrâ incuriâ ad viscera tam altè penetravit, ipsasque præcipuè vitales partes tam arcte obsedit. Existimo tamen periculum aliquantò minus futurum, quam plerique sibi imaginentur.

Quæ enim incommoda nobis narrant, quæ Jesuitarum expulsionem secutura sint? Pontifex, inquiunt, & Hispanus, gravissime offendentur. Magna profectò numina, quo-  
rum-

rumque ira nobis haud leviter æstimanda est? Quid enim de Polonia futurum existimabimus, si *Saturnum & Jovem* Europæum tam malè dispositos habeat? Ego verò hæc servi illius Comici expostulatione uti possem: *Possim nescire, quot mihi hæc Domini perferendi sunt?*

Incommoda  
quæ Jesuita-  
rum expulsi-  
onem secu-  
tura sint.

Ne tamen nimis alicui confidens & securus videar, de utroque aliquid dicendum erit.

Ad Pontificis itaque offensionem quod attinet, de ea S. Pontificis quidem nullus dubito, quin nimis certò secutura sit, agnosco etiam eam nobis formidandam esse. Cum verò à Jesuitis longè graviora cogamur metuere, existimo hanc indignationem Polonis non nimium pertimescendam. Spero etiam ad eandem avertendam legitima media nobis non esse defutura. Summus enim Pontifex aut bonus est & talis, qui memor sui officii, Regni Poloniæ, æque ac omnium aliorum Christianorum regnorum optimum statum promotum ac conservatum cupiat. Cum tali itaque sperandum esset nobis facile conventurum, si nempe missis legatis ei ad oculum demonstraverimus Rem Polonicam, nec cum Jesuitis, nec cum Jesuitarum hactenus usitatis artibus, consistere potuisse. Nec dubito, quin is tempori cessurus, Reipublicæ facile remissurus sit. Aut idem malus talisque est, qui suæ tantum libidini, citra ullum Reipublicæ aut æquitatis respectum indulgeat, omniaque prius sursum deorsum ferri patiat, quàm ut quod malè ceptum est, corrigi sustineat: Tum verò iram ejus ne curandam quidem existimo: Neque enim ulla vel divina vel humana Lex Polonos obligat, ut aut suum ipsi periculum sibi scientes accerfant, aut Summi Pontificis injustæ sibi que præjudiciali voluntati, se per omnia conforment.

Qua in re si meum alicui Judicium suspectum esset, Majorum exemplis erudiri se patiat, ut cogitet, quid ipsi in si-



mili casu fecerint. Cui enim ignotum est, quanta animorum contentione Romani Pontifices olim Crucigeros contra Regnum Poloniae defendendos susceperint, quam atrocia Regibus nostris plerumque minitanti sint; Resque tandem eò procescit, ut circa annum 1456. si Aeneas Sylvii Epistolis credimus, Romae excommunicatio contra Regem Regnumque Poloniae decreta fuerit. Neque tamen hisce minis, quamvis ipsius etiam Imperatoris Friderici III. indignatio eas acueret, ad eum modum perterriti se passi sunt Majores nostri, ut non potiore salutis Reipublicae quam indignationis Pontificiae respectum habuerint. Ovum autem ovo tam simile nunquam esse poterit, quam bene Jesuitarum institutum, mores & actiones cum Crucigerorum ordine rebusque gestis conveniunt.

Majores nostri  
Reipublicae  
salute nihil  
antiquius  
habuere.

Nam ortus ratio & occasio ferè eadem utrobique fuit: Utrumque institutum ad unum eundemque finem, per diversa saltem media, fuit directum: Forma Politiae exceptis paucis Circumstantiis eadem fuit: Uterque ordo progressus longè celerrimos fecit dilatataque per eos Christianae Religionis & imperii laudem tulit: Uterque tandem à seipso ita degeneravit, ut iis, pro quorum defensione instituti fuerant, graves & molesti esse ceperint.

Jesuitae Cru-  
cigerorum  
spurii.

Differentia saltem in eo consistebat, quod Crucigeri professione milites erant, remque apertis armis contra Majores nostros gererent, quorum legitima remedia Polonis nunquam deerant:

Hoc verò malum intra viscera nostra hærens iis artibus nos oppugnat, quarum Polonia ante hac prorsus imperita fuit. Quæ res facit, ut existimem, eos novæ illius Sedis institutum omnium rectissimè æstimare, qui Jesuitas *Crucigerorum spurios* dicunt. Cum itaque Majoribus nostris olim nec indignatio nec autoritas obstiterit, quo minus Crucigerorum injurias acerrime vindicarent, regnum tuerentur. Cur in simili ca-

su

su hujusmodi spectris nos terreri patiamur? Sin tamen hæc alicui forte nimis antiqua viderentur, illi recentius exemplum habent, quod Avorum memoriâ accidit.

*Sigismundus I.* quem inter optimos suos Reges Polonia non immerito recenset, quem etiam Romana sedes adhuc pro genuino obædientiæ filio agnoscit & prædicat, *Albertum Brandeburgicum* cum ditione Borussia in fidem ac clientelam suam recepit tùm, quando propter abdicatum Crucigerorum Ordinem, & desertam Religionem Romanam non solum à Pontifice, sed ad hujus instinctum ab imperio Romano sub potentissimo Imperatore Carolo V. excommunicatus & proscriptus erat. Aula tamen præcipuè Romana fremebat & indignabatur, quod tota Borussia hac ratione ab Ecclesia in utroque foro abalienaretur. Nec Sigismundo parsura fuisset, si excommunicationis aliquem potentem executorem potuisset habere: Hic enim desiderabatur, quod tamen is susque deque tulit. Et quid ego de Regibus dico, cum nostra hæc ætas ejusdem magnanimitatis & egregiæ fidei illustre exemplum in ipso Regni primatu habuerit? Fuit is *Jacobus Uchansky* Archiepiscopus Gnesnensis, cui, cum Summus Pontifex Excommunicationis telum intentaret, quod animadverteret, eum in Consiliis publicis majorem salutis Patriæ, quam sedis Romanæ respectum habere? Is se ad eò non passus est à proposito dimoveri, ut Pontifici potius rescripserit, se si pergeret ei Reipublicæ nomine molestiam exhibere, intentatum fulmen in ipsum retorsurum. Quo responso ictus Pontifex Archiepiscopum missum fecit, ut qui nosset, hoc ei in Polonia facilius factu, quam dictu fuisse.

Albertus  
Brandenburgicus.

Cujusmodi libertatis Spiritum, si ex illius successoribus hodie sub hac inquam Jesuitica animorum dispositione, aliquis sibi usurpare præsumeret; Ecquid vos *Proceres* de eo futurum putatis? Annon ille quanto citius ad Patres ire cogeretur? Hæc igitur masculæ Virtutis exempla, quoties in

G 2

Majo-



Clerus Polonicus à Jesuitis corruptus.

Majoribus nostris confidero, toties admirari cogor, quæ res hodie nostratum Prælatorum animos ita immutavit, ut in multò levioribus casibus tantas sibi difficultates imaginentur. Dum interdum Summi Pontificis nescio quæ Regalia allegant, quæ inviolata retineri volunt. Non aliter quàm si Polonia jam duos Reges haberet, unum Cracoviæ, alterum Romæ. Dum etiam Exterorum offensiones sæpius ultra modum allegant & exaggerant, Reipublicæ se tam difficiles præbent. Quemadmodum jam aliquoties in deliberationibus de *Moldavia*, *Walachia*, & tandem etiam *Transsylvania* fieri vidimus. Ideoque sic tandem existimo: Eos qui à Summi Pontificis offensione sibi tantopere metuunt, siquidem Jesuitæ paulò durius tractari deberent, eo ipso satis demonstrare, quàm frigide erga Rempublicam affecti sint, & suspicionem de se non exiguam præbere, quod privata commoda illis Patriæ salute potiora sint. Quales si Majores nostri fuissent, Borussia nobis hodiè carendum, & in hanc usque diem cum Crucigeris colluctandum esset. Sed & hanc scrupulosam in hoc Ordine conscientiam, nulli rei hodie, quam Jesuiticæ, de qua dictum est, dispositioni debemus.

Ubi tamen mirari cogor, quid hi, qui eis hac in parte eatenus astipulantur, ut Summum Pontificem nullo jure offendi patiantur, posteritati aliquando responderi velint, si nempe illa ex nostrorum temporum historia resciscat, Rempublicam Venetam propter repetitas à Pontifice aliquas Ducatus Ferrariensis particulas, & propter improbatas quasdam non maximi momenti Constitutiones, pro libertatis suæ defensione Jesuitas ex Dominio suo universo expulisse, & intentatam propterea Sanctæ Pontificis Excommunicationem, usque ad aperti belli periculum contempnissse: Cum interim Majores sui in Polonia libertatis alumna meticolosi fuerint.

Quodsi etiam in hisce rebus nos ad eum modum à summi Pontificis arbitrio patiemur suspendi, Polonorum conditio multò

tò deterior, adde & servilior erit futura, quam ipsorum Moscorum: qui in consiliis publicis nulla alia quàm ipsius Principis Reique publicæ Regalia respectant & attendunt. NB.

*Ad Hispanum quod attinet*, Ego non video, quæ ei justæ offensionis causa à nobis præbeatur, si nos nostræ Reipublicæ pro nostrarum rerum exigentia, pro virili studeamus consulere citra ullum ejus præjudicium? Cur etiam illum magis offendat, quòd nos Jesuitas expellimus, quàm nos hæcenus offendit, quòd ipse Eos, ut sibi commodos, tam indulgenter fovet? Quid si verò Rex Hispaniæ Rex Poloniæ audire vellet (quod equidem quo minus ad libitum consequatur, per Jesuitas non stabit) num ad cavendum ejus indignationem hoc ei concedendum esset? Si denique eò nos demiserimus, ut domi nobis nihil agere aut tentare liceat, nisi quod Aureo Velleri probetur, ecquam Rempublicam in Polonia habituri sumus?

Hispani offensio quanti Polonis in hoc casu æstimanda.

Verum hic nonnulli adhuc pergunt excipere: Iniquum esse, ut Jesuitæ, inter quos non pauci Nobiles sunt, nec auditi, nec legitimè convicti regno expellantur: Itaque eos in jus vocari prius, causamque cognosci volunt &c. Et hoc aliquid, quod dicitur, quodque apud omnes bonos justique ac æquitatis amantes tantò plus meritò valere deberet, quantò multorum hodiè in torquendo corrumperedoque jure audacia magis conspicua est. Hic tamen exceptio illa locum habere nequit, propter causas, quæ sequuntur:

*Primum* enim in iis, quæ Reipublicæ salutem concernunt, non semper necesse est Ordinarium Juris Processum tam superstitiose observare, quàm pacata Republica fieri consuevit: quando videlicet Reipublicæ status hujusmodi præsentem operam flagitat, ut periculum in morà futurum esset.

*Deinde* hic non in certas personas agitur, aut de Facti alicujus Jure quæritur, qualis nempe illa super Judæorum Bochnicæ



nicensium scelere quaestio fuit, quæ hic pro exemplo adducitur: Sed hic de incommodis & detrimento Reipublicæ quaeritur, quæ ei ex Jesuitarum instituto semper metuenda sunt, si personæ ipsæ puri Angeli essent. Hos igitur qua ratione in jus vocabimus?

*Tertiò* scire velim, quod Forum Jesuitæ in Polonia, quem Judicem agnoscant, cuive juri se submittant, ex quo contra illos agi queat? Miror denique quem ampliore aliquis in Polonia Juris Processum desideraturus esset, quam si totius Equestris Ordinis Deputati publicè convenientes unanimiter decernant, Institutum Jesuiticum contra Rempublicam Libertatemque Polonicam venire, ejusque abrogationem à Regia Majestate flagitent? Qui inquam his suffragiis condemnatur, num is parùm legitimè condemnatus censebitur?

*Denique* & hoc à nonnullis hic obijcitur, Etiam domi & intra parietes multos offensum iri; cui aliqui adjiciunt: *Si Jesuitæ extra Regnum proscribi debeant, etiam alios, & illos præcipuè Evangelicorum ministros, una exturbandos &c.*

Ad prius quod attinet, de multorum intra domesticos parietes offensione, ego *Primum* nescio, quinam illi multi futuri sint, quorum offensionem nobis tam periculosam imaginari debeamus, si præsertim reliqui Cleri securitati caveretur? Cum enim hæc nihil aliud, quàm salus Reipublicæ ejusque in longum propagatio quaeratur, nemo hinc tumultuandi occasionem habere poterit, nisi fortè fortunas suas cum Jesuitis ita junxerit, ut cadentibus illis ipse stare nequeat. Et hi ferè illi sunt, qui eis omnium molitionum & consiliorum, fortè etiam contra Regnum sunt conscii. Et quamvis verendum est, eorum plures esse, quàm expediat, ne horum tamen offensio nobis perinde æstimanda est: Cum nemo dubitet, quin bonorum Civium, qui Rempublicam salvam cupiunt, multò major pars in omnibus Regni partibus futura sit,

Sed

Sed esto, ut hic fortè nobis aliquid molestiæ sustinendum esset, nùm propterea Medicinam respuemus? Quæ purgatio ægroto unquam tam feliciter cesit, ut non aliquid ex illius operatione torminum senserit? Quod si Jesuitarum expulsionem illos fatales tumultus avertere & præavere possemus, qui hætenus plerasque Europæas Provincias tam duriter affligerunt, quo de egomet planè sum persuasus; Resnè digna censebitur, propter quam etiam incommodi aliquid patiamur? Si publicæ Libertati, si regno nihil periculi est, si privatorum corpora & fortunæ in tuto sunt, ecquid tumultuamur? Cur exterorum insidias & conspirationes metuimus? Sin verò hæc omnia nobis ita imminet, ut Jesuitarum si non principales Autòres, perniciosos saltem Actores, Promotores & Internuncios noverimus, ecquid amplius cunctabimur?

Ad alios verò Evangelicorum præsertim ministros quod attinet, si in eadem turbata & oppugnata pacis publicæ culpa cum Jesuitis hærent, nil equidem cauti, quo minus & illi, & quicunque crimini huic quocunque modo affines deprehenduntur, cum eis expellantur. In suspitione enim turbata Reipublicæ neminem quodcunque vitæ genus tueri potest, aut eidem pacem trocinari debet.

Sed nunquid hæc res cum re, aut causa cum causa conferri poterit? Quemnam Pontificem aut Hispanum ministri illi intra aut extra Regnum habent, cui hunc agrum arent, aut serant, ad quem eis rebus hæc perditis perfugium pateat?

Quales etiam in Aula & circa Reipublicæ clavum illorum partes sunt, aut in æternum esse poterunt? aut quæ prædia hi in detrimentum Nobilitatis coëmerunt? quasve immunitates in fraudem Reipublicæ consecuti sunt? Et quæ etiam illorum vires sunt, propter quas Reipublicæ formidabiles aut saltem suspecti esse debeant? Quorum divitiæ ferè omnes in lacera & detruta ut plurimum Reverenda; ut nostrates loquuntur, & Bilibiorum,

Quibus ferè  
Jesuitarum  
expulsio om-  
nium ingra-  
tissima sit.

Inpuniendis  
pacis publicæ  
perturbatori-  
bus non per-  
sonæ sed fa-  
ctum respi-  
ciendum.

Ministrorum  
Evangelico-  
rum intra re-  
gnum condi-  
tio.



bliorum, adde si res lauta est, Augustini Codice, nudaque & numerosa prole consistit.

Ipsi denique Evangelicorum Ministri, an non unius cuiusque pagani Præfeti superioritatem agnoscere, eidemque se sistere ceguntur? Collatio itaque hæc prorsus inepta, adde & ridicula est.

Sunt fortassis & alia, quæ pro Jesuitis ab illorum Fautoribus nobis objici poterant, sed ea vix majoris momenti erunt, quàm quæ jam allata sunt. Ideoque hæc sufficient, ex quibus reliqua facile dijudicare poteritis.

NB. NB. Ex his ergò, quæ hæcenus demonstrata sunt, firmiter concludo: iis qui hoc tempore Rempublicam restitutam, sanctam & impofterum salvam esse cupiunt, si ordine procedere, si laborum suorum aliquem fructum sibi polliceri volunt, ante omnia operam esse dandam, ut *Jesuitæ extra Regnum abigantur, sed ita ut abacti obdito pessulo à reditu prohibeantur.*

Expulsionis Jesuitarum qualis effectus sperandus, Expulsa autem & expugnata hac acri & ardente bile, Morbi nostratis paroxismus in genere & paulatim lenietur, reliquæ partes affectæ, Clerus præcipuè sanabiles, & tractabiliores reddentur, poteritque, quod luxatum est, per ocium, citra gravioris alicujus symptomatis metum curari & restitui.

Quamdiu verò hic incendii febrilis fomes intra Reipublicæ viscera retinebitur, nulla nobis salutis & securitatis spes relinquetur. Quodcunque enim machinabimur, quibuscunque emplasmatis vulnera ligare & obducere studebimus, opera & oleum nobis peribunt. Malumque in hac Corporis Polonici Cacochemiâ, ad levissimam quamque occasionem recrudescet. Neque enim Jesuitæ licet omnia cætera sanentur ad Regni Poloniae Legumque Polonicarum similaritatem in æternum

num reducentur, aut illa sub hoc; qui adhuc qualitercunque durat, statu probent.

Ideoque ne eos quidem audiendos censeo, qui ut res minus odiosa sit, non universalem purgationem censent instituendam, sed per partes tantum bilis istius detractionem & imminutionem faciendam putant: *Verbi gratia:*

Particularis purgatio quomodo secundum nonnullos instituenda.

Sunt, qui eos tantum extra Regnum propellendos existimant, qui vel clandestinarum machinationum contra Regnum cooperatores, aut saltem conscii fuisse deprehenduntur, vel quorum seditiosus fervor publicæ paci præcipuè periculosus censetur. Sunt qui hanc Jesuitismi diminutionem à locis incipiendam suadent. Ut nempe ex primariis Regni Urbibus, aut ubicunque ab eis Reipublicæ insigne aliquod periculum metuendum esset, removeantur. Sunt denique qui putant, publicæ securitati sufficienter prospectum iri, si latis legibus intra arctiores carceres redigantur. Hæc igitur Consilia paucis discutiamus.

De his primum in genere sic dico: Cum quacunque Jesuitarum offensione, sive eos in universum expellamus, sive audaciam illorum ad certam quotam restringamus, Pontificiæ indignationis invidiam nobis ex æquo metuendam esse: quam tamen plerique omnium maxime cavendam censent,

Hoc saltem discriminis erit, ut si partem aliquam Jesuitismi intra viscera retinuerimus, tanto plus nobis periculi ab eodem Pontifice futurum sit. Cum igitur cum particulari offensione tantumdem difficultatis subeundum sit, quantum cum totali expurgatione, cur non hanc ut utilissimam & certissimam præferemus? Imò hanc ego omnibus hic ceu maximam præscribo: *Jesuitas facilius ex Regno expulsum, quàm intra Regnum in ordinem redactum iri.*

Particularis expurgationis incommoda.

NB.

Dico amplius, eos vehementer errare, qui sperant Bilem hanc ita cautè posse moveri, ut non protinus exardescat & ex-

H

aspere-



asperetur, & ut non omnes vindictæ occasiones studiosissimè conquisituri sint, quidcunque fortè ad tempus, propter præsentem necessitatem simulent. Quæ occasiones intra & extra Regnum ingeniis istis nunquam defuturæ sunt. Quod si ergò resumptis aliquando animis & viribus, denuò aliquid, & fortè periculosius quiddam moliantur, quid tùm factò opus erit? Num quotannis in Jesuitarum gratiam Generalem Rokosz celebrabimus?

*Deinde* in specie iis, qui nocentissimum quemque ex Jesuitarum itis exterminandum censent, responde: Nec causam nec culpam earum rerum, quarum Jesuitæ insimulantur, ita partiiri & qualis culpa. separari posse, ut altero alter mitius aut durius tractandus sit. Sic enim jam ostensum est, Sectam hanc tam arctè inter se compactam esse, ut totum corpus, & cum hoc omnia ejus individua membra, in harum præcipuè rerum praxi, de quibus nobis sermo est, in unum conspirent, & ad unum scopum mente, corpore, fortunisque ferantur.

In una itaque eademque culpa omnes æqualiter hærent: differentia, si quæ est, in ingeniosarum saltem virium inæqualitate consistit, ut quod unus aut alter fecit, omnes facturi fuerint, si vires aut occasio non defuissent. Nec credo auditum esse, ut Jesuita aliquis à tribulibus suis, ob quodcunque etiam detestandum facinus publicè damnatus, aut etiam reprehensus sit.

In hoc enim genere non peccant, dummodò facinoris perpetratio in illum finem dirigatur, quem Jesuitis in specie propositum esse ostendimus.

Quod autem de nonnullorum seditioso fervore assertum, illud per se speciosum est: Ego tamen sic existimo illos nondum pessimos, aut etiam Reipublicæ periculosissimos esse, qui Posnania, Cracoviæ &c. nullo prorsus habito respectu S. Majest. Regiæ præsen-

præsentia ædes exurunt, Coemeteria invadunt, sepulchrorum corpora refossa immaniter violant: (contra hanc enim rabiem, licet in hunc usque diem impunita manserit, vel tandem remedium aliquod invenietur) sed illas potius vulpeculas nobis observandas censeo, quæ per Sudetas montes Alpiumque juga hinc inde commeantes, Exoticarum artium Spiritum ferunt & perfectunt. Denique remedium hoc, si tam benè caderet, ut nocentissimi qui sunt, exterminarentur, nos tamen, saltem ad tempus relevaret, tam diu nimirum, donec his alii septuplo peiores submitterentur. Num verò hoc satis justum operæ precium censeretur debet? illius inquam operæ, quam Reipublicæ tantis sumptibus, tanta Nobilitatis defatigatione, nec sine nostro periculo præstare conamur.

Jesuitarum  
studia quæ  
nocentissi-  
ma.

Qui verò eos ex Aula & primariis Regni urbibus expellendos suadent, illi quidem aliquantò fortius consulere videntur, sed non multò plus, quàm priores proficiunt. Videntur quidem certas Reipublicæ partes nonnihil sublevare, videntur etiam Jesuitis præcipuè nocendi occasiones ea ratione præcidi. Egoque jam dudum ita persuasus sum, Nullum gravius in Reipublicam peccatum à nobis commissum esse, quàm quod Jesuitis in hisce regni arcibus, ad expediendas suas machinas tantum spaciū concessimus. Id quod fortè tum demum sensuri sumus, si aliquid fortassis periculi, à Meridie & Occidente nobis ingrueret.

Hæc tamen admirari cogor, quibus rationibus Consilii hujus auctores ducantur, quod in Reipublicæ curatione potiorum Urbium quàm Equestris Ordinis, ipsiusque aded Cleri respectum habeant? Itaque eos libenter interrogarem, quid putent singularis auxilii ad Reipublicam rediturum, si primariæ Regni Civitates exonerentur, & pestis hæc interim liberè in Nobilitatem grassetur? sique peregrinismo huic liceat reliqui Cleri animos continenter sollicitare, & in transversum agere? Ecquam illi tùm rebus nostris spem securitatis faciant? Hi ergo in eo pe-

Secundi con-  
silio absurdi-  
tates.



Propter Cle-  
rum Jesuitarum  
præcipue  
sunt expel-  
lendi.

riculosè falluntur, quod existimant Malum Jesuiticum intra Urbium ædificia contineri, ut ibidem saltem, aut tantum potissimum Reipublicæ noceat. Cum hæc primum ipsius Aulæ, ut ostensum est, deinde publica animorum pestis sit, à quo Nobilitati & Clero & per hos demum Reipublicæ præcipue metuumum sit. Quin immò, dùm Jesuitas in universum extra Regnum propellendos suadeo, in eo Cleri Polonici quàm maximum respectum habeo, cujus excessus non aliter quàm bilis hujus ferventis subtractione corrigi posse existimo.

Ex his ergò iterum perspicitur, ne hujus quidem Consilii eum inter nos effectum sperandum esse, quo nobis ad res nostras componendas & firmandas opus est.

Restant ii, qui Jesuitas non solum ex Aulâ removendos, & ex Urbibus expellendos, sed etiam latis legibus intra Monachorum claustra redigendos, & Ordinariorum jurisdictioni, (hoc enim à nonnullis additur) subjiçendos consulunt.

Videntur & hi aliquantò longius progredi, quibus ego ad vitandam majorem invidiam omninò parendum suaderem, si ulla saltem consilio huic spes subesset: sed hanc sequentia mihi in universum præcidunt.

Tertii Consi-  
lii vix ullus  
effectus spe-  
randus.

*Primum* Jesuitas ita animatos esse certò novi, ut omnia potius moturi, omnia turbaturi sint, quàm ut splendoris & existimationis illius, qua ipsorum Ordo hætenus supra reliquos Religiosorum Ordines, ipsumque Clerum universum eminet, vel minimam jacturam subeant. Jesuita autem si ex Aulâ excludatur, si in versando Reipublicæ clavo non omnibus aliis præpollat, si à publico ita arceatur, ut clauetro inclusus, alium, quàm proprium militiæ suæ Ducem superiorem agnoscere cogatur, si denique omnium arcanorum explorandorum occasio ei adimatur, à summo ad infima sibi redactus videbitur, ut qui jam nil amplius quàm vulgaris Monachus futurus sit. Quod dedecus Gens ista non mitiori indignationis affectu avertatur, quàm si nobilis aliquis Regniq; dignitarius subito in abjectissimæ plebis censum

censum detrudatur. Cælum itaque potius ruere patientur, quàm ut hanc in se ignominiam admittant.

Estò tamen, ut heic eos patientiores offendamus, quàm ego sperem, quæro igitur secundo loco, quibus vinculis eos constriçuri simus? Certis legibus, inquires, publicisque Constitutionibus. Benè dicis, egoque fateor hæc justa esse in Foro politico coërcendæ libidinis media, quantumvis hætenus per illa non pro spe profecerimus.

Verùm hic ulterius quærere cogor, Eccui hujusmodi legum Jesuitissimi & Constitutionum, si quæ facta erunt, executionem commendaturi simus? Ordinariis locorum, respondebis. Ego verò agnosco ad ipsos munus hoc ex regni Legibus spectare, sed quid, si ipsi tam odiosam Provinciam recipere nolint, aut excommunicationis Pontificiæ metu non ausint? Veruntamen si ve recipiant, si ve repudient, ne sic quidem Reipublicæ securitati prospicietur.

*Primum* enim antiqua illa disciplinæ Severitas apud nos hodiè multum remisit, qua apud Romanos olim parentes de liberis, si fortè in Rempublicam peccassent, supplicia sumebant: Verendumque propterea erit, ne optimo cuique ex hoc Ordine, & qui alias in Rempublicam rectè affectus est, illud in hac custodia vel imprudenti accidat, quod vir ille DE I 3. Reg. 20. in historia Achabi sibi evenisse fingit, ut dùm ipse aliis rebus intentus est, captivus, cujus custodiam susceperit, aufugerit.

*Deinde* Experientia testatur, Ordinarios locorum hætenus magis Jesuitis parere & obnoxios esse, quàm quod hi illorum auctoritatem aut jurisdictionem multum curent.

Quin imò hi pro Episcoporum Pædagogis se gerunt, quos etiam ut Aulæ Romanæ Coricæos metuere & observare coguntur. Qualem ergò coërcitionem ab illis expectare poterimus?

*Tertiò* sic dico, quodcunque de his omnibus fiat, nos tamen contra Sectam hanc Legibus nostris nil profecturos, in quo me experientia ipsa jam erudit. Quid enim? *Confederatio publica*



*publica* an non Lex est; an non Constitutio est, an non Polonorum jus est, publicis Regis & Nobilitatis Juramentis sancitum & confirmatum? Sed quid per hanc eandem hætenus contra hanc pestem Politicam profecimus? An non rabies ista per hoc efficacissimum (sic quidem majoribus nostris videbatur) remedium quo quam citius irritata potius est quam cohibita? Quam petulanti lingua styloque satyrico livor iste hoc salutare institutum incescit, deridet & exhibilat? Si tam laxum & molle capistrum Dæmon iste, ad ed impatienter fert, qua ratione arctius duriusve quiddam feret? Cumque hoc isti Confœderationis publicæ Constitutioni faciant, per quam Jesuitismus propriè non læditur, ecquid de illis fiet, quas in perniciem suam factas recordabuntur.

Confœderatio quam citius irritata potius est quam cohibita? Quam petulanti lingua styloque satyrico livor iste hoc salutare institutum incescit, deridet & exhibilat?

nus à Jesuitis tractata.

Et quid tandem Jesuitis nos præscribere tentabimus, cum suis ipsimet constitutionibus, quæ contra hanc, de qua conquerimur, intemperiem ad speciem inter ipsosmet latæ sunt, non pareant? Anno enim superioris seculi 93. Jesuitarum superiores cum animadverterent, suorum potissimum scelere jam ferè perditas, coacto Romæ Generali totius Ordinis Conventu, statuto sanxerunt: *Patres Societatis Jesu cum omnibus, qui Ordini illi ascripti sunt, à causis & negotiis secularibus universum abstinere debere.* Huic igitur decreto ecquomodo hætenus inter nos paruerunt?

Statutum Conventus Jesuitici.

Sic igitur etiam contra hos tandem concludo, consultius esse, ut tam fera bestia prorsus abdicetur, quam ut Cavæ intra domum inclusa, cum nostro perpetuæ sollicitudinis cruciatu, custodiatur.

Morbi causa tollenda ut ægroto etiam contra dire liceat, ut sic hanc vesti Jesuiticæ injectam maculam vicissim eluant. De quo nos Gallia admonere debet, in cujus Aula Jesuitarum absentium practicæ tantum potuerunt, ut cum excus-

dentis

dentis in ore Regio lacuna refarciri nunquam posset, Jesuitæ tamen reclamantibus Parliamentis, & obnitente prudentissimo quoque non solum restituti sint: sed etiam Pyramis illa perpetrati sceleris æterna index fuerit demolita.

Hoc autem inter nos hac fortassis ratione omnium rectissime præcavebitur: si primùm bona illorum immobilia in alios usus, ad publicam regni, præcipuè tamen Nobilitatis, cui major illorum pars detracta est, utilitatem convertantur.

Quod sic commodissime fiat, si bonis literis consultum eripimus, quarum videlicet interitum plerique sibi per Jesuitarum expulsionem imaginantur, detur opera, ut ex iisdem Cracoviensi Academiæ de viris bonis, doctis, & in omni disciplinarum genere probè versatis extra ordinem prospiciatur: Aut si ita placet, præter hanc alia quoque intra Regnum Academia instituantur.

Bonorum Jesuitarum dispensatio.

Deinde alibi in Regno scholæ hinc inde aperiantur, in quibus non solum eruditis Præceptoribus honesta stipendia constituentur, sed etiam pauperibus Scholasticis, iis nempe, qui ingenii valent, sed propter fortunæ tenuitatem literarum studia commodè persequi nequeunt, de victu & sustentatione provideatur. Idque tanto majori cura, quod ex Nobilitate etiam omnibus temporibus inveniantur, qui hujusmodi studiorum subsidiiis opus habeant.

Et hæc ego singulorum Districtuum in Regno ceu Publica Gymnasia esse vellem, Quorum cura & inspectio certis ex Nobilitate utriusque Ordinis Viris & qualificatis personis commendari posset. Hoc si fieret, Juventuti nostræ, quæ in spem honorum & ad Reipublicæ ministeria educatur, cum pietate & bonis literis, Patriæ Legumque Patriarum amor & reverentia à reneris implantaretur, & Reipublicæ de viris idoneis ad eum modum prospiceretur, ut eidem ab exterorum factionibus & insidiis

dijis



diis minus periculi esset. Jesuitarum etiam expulsorum desiderium, si quod erit, intra paucos annos prorsus evanesceret & obliteraretur.

Militum  
emeritorum  
Nosocomia.

Tertiò si quid superest, ut omninò superfuturum puto, publica ex eo Nosocomia instituatur pro illis, qui in bellis se pro Republica strenuè gesserint, & vel vulneribus debilitati sint, vel per ætatem militiæ labores non amplius perferre possunt &c. ut hæc militaris virtutis quasi asyla constituantur, ubi benè meritorum & emeritorum illa non turpis senectus honestè & liberaliter sustentetur.

Cujus sanctissimi & utilissimi instituti exempla in Urbibus Belgicis me videre memini. Cujus etiam specimen nobis præbuit laudatissimæ memoriæ Rex Stephanus, quando Warssaviæ hujusmodi pro debilitatis militibus Xenodochium instituit & dotavit; A cujus tamen præclara & planè Regia voluntate & intentione nimis citò recessum est.

Nec ego video quomodo Jesuitarum bona vel sanctius vel utilius collocari queant, ita nimirum, ut quæ semel piis usibus destinata sunt, iisdem maneat, & ipsius interim Nobilitatis damnum, quod à Jesuitis Jesuitarumque artibus se accepisse queritur, aliquomodo refarciatur. Et sic Reipublicæ commodis utrobique optimè consulatur.

Statutum de  
Jesuitis non  
revocandis.

Facta ad eum modum bonorum Jesuiticorum dispensatione, per peculiare statutum sub infamiæ, aut alia aliqua severa pœna interdici posset: Ne quis primùm de revocandis aut admittendis Jesuitis ullo tempore publicè aut privatim mentionem facere ausit: quemadmodum Venetos jam fecisse constat. Neve deinceps ulla ex regno Juventus, nobilis præsertim, à cujus salutaris institutione Patriæ salus pendet, ad Jesuitas extra Regnum se conferat, iisdemque se disponendam committat, Ne dum domi in expurgando Jesuitarum fermento laboramus, illud ab extra nobis nihil tale suspicantibus obrepat.

Tandem

Tandem opinor diligenter provideri oportere, ne per officinas Typographicas talia in publicum spargantur, quæ præsentis Reipublicæ statui & Regni hujus libertati, quocunque modo Typographis frenum injiciendum. aversantur: Qualia nimirum illa hæcenus fuerunt, quæ Jesuitæ sub modernæ Regiæ Majestatis regno Cracoviæ & alibi contra confederationem publicam in vulgus ediderunt: Talia inquam, quæ per ipsorum jugulum reditura fuissent, si legum publicarum is vigor, ea observantia in Polonia esset, qualis in benè constituta Republica esse debet.

Ubi tamen vafriçies ista hoc insuper dolo ut plurimum usa est, ut hujusmodi pestilentissima scripta sub alienis certorum videlicet Prælatorum nominibus emiserint: ut nimirum hac ratione universum Clerum in invidiæ publicæ consortium pertraherent, & disperso in plures facinore ejus vindicationem Reipublicæ difficiliorem facerent.

Hac inquam ratione si in matris nostræ Reipublicæ Polonicæ curatione procederetur, ita ut in hujusmodi processu sororum ejus Europæarum antegressa vestigia intentè observaremus, tùm demum de internorum malorum medicationis successu spem aliquam mihi imaginari & aliis etiam polliceri possem. Sic enim Peregrinismum illum, ut ita loquar, à quo nobis non abs re metuimus inter nos eradicatum & penitus obtritum iri confiderem: Ut ipsum primum Clerum, cujus ad afficiendum statum publicum permagnam vim esse constat, commodiorem, & publicarum legum, sicut & Patriæ libertatis studiosiorem simus experturi, quàm hæcenus eum in rebus maximi momenti experti sumus.

Deinde si in Reipublicæ administratione, circa res Polonicas aliquid vitii apparuit, aut negligentia aliqua nota fuit deprehensa, opinor & illud remota hac corruptela, paulatim emendari posse & restitui, idque citra omnem tumultum & perturbationem.

Tandem in ipsa etiam Aula illud factionum studium, quod hæcenus universo Statui, Reipublicæ valdè inimicum sumus experti,



periti, paulatim residebit & extinguetur. Sublataque & quasi obstructa hac capitali diffidentia, & publicæ indignationis scaturigine, omnes Regni partes & Ordines sub unanimi Pacis studio denuò inter se coalescent, & sic tandem Reipublicæ totius Corpus pristinæ sanitati restituetur.

Quandiu verò hoc negligenter agimus nostris Legibus, Constitutionibus, Confœderationibus, Congregationibus, nil amplius efficiemus, quàm ut irritato malo Reipublicæ scissuram amplificemus, dum ignis qui ad momentum sopitus videbitur, denuò drumpens, majorem fragorem edet.

*Hæc sunt Illustrissimi Proceres, quæ in præsentia de rerum nostratum statu ejusdemque correctione mihi in mentem venerunt, quæque vestro potissimum Judicio subicere volui, ut tantum valeant, quantum à vestra prudenti censura valoris & authoritatis consequentur. DEUS OPT. MAX. à cujus Misericordia & potenti dextera Regnorum publica salus immediatè dependet, ille sub hac fatali rerum mundanarum convulsione vestris hisce in Reipublicæ Patriæ procuratione Conatibus pia studia & sancta desideria suggerat, rectisque & salutaribus Consiliis felices eventus largiatur.*

A M E N,









